

四庫全書

子部

欽定四庫全書

子部

本草綱目卷三十九

詳校官太醫院恩糧臣孔毓秀

編修臣倉聖脈覆勘

總校官庶吉士臣何思鈞

校對官中書臣葉 燮

謄錄監生臣高應龍

欽定四庫全書

本草綱目卷三十九目錄

蟲部

李時珍曰蟲乃生物之微者其類甚繁故字從三蟲會  
意按攷工記云外骨內骨却行仄行連行紆行以脰鳴  
注味同鳴旁鳴翼鳴腹鳴胸鳴者謂之小蟲之屬其物雖  
微不可與麟鳳龜龍為伍然有羽毛鱗介倮之形胎卵  
風濕化生之異蠢動含靈各具性氣錄其功明其毒故

聖人辨之况蜩螗蟻蚋可供饋食者見於禮記蜈蚣蟾  
蠋可供七劑載在方書周官有庶氏除毒蠱剪氏除蠹  
物蠹氏去蠹黽赤祗氏除牆壁狸蟲蠹螻之屬壺涿氏  
除水蟲狐蜃之屬則聖人之於微瑣罔不致慎學者可  
不究夫物理而察其良毒乎於是集小蟲之有功有害  
者為蟲部凡一百零六種分為三類曰卵生曰化生曰  
濕生舊本蟲魚部三品共二百三十六種今析出鱗介  
二部併入六種移八種入禽獸服器部自有名未  
用移入六種木  
部移入二種

神農本草經二十九種

梁陶弘景註

名醫別錄一十七種

梁陶弘景註

唐本草一種

唐蘇恭

本草拾遺二十四種

唐陳藏器

海藥本草一種

唐李珣

開寶本草二種

宋馬志

圖經本草二種

宋蘇頌

日華本草一種

宋人

證類本草二種

宋唐慎微

本草會編一種

明汪機

本草綱目二十六種

明李時珍

附註

魏李當之藥錄  
宋雷斅炮灸

吳普本草  
齊徐之才藥對

唐甄權藥性

唐楊損之刪繁

南唐陳士良食性

宋掌禹錫補註

張元素珍珠囊

汪好古湯液

吳瑞日用

明汪穎食物

唐孫思邈千金

孟詵食療

蜀韓保昇重註

寇宗奭衍義

元李杲法象

朱震亨補遺

# 蟲之一

## 卵生類上二十三種

蜂蜜

本經  
靈雀附

蜜蠟

本經

蜜蜂

本經

土蜂 別錄

大黃蜂 別錄

露蜂房 本經

竹蜂 拾遺

赤翅蜂 拾遺

獨脚蜂 拾遺

蠟蜂 本經 即果蠟  
雄黃蟲附

蟲白蠟 會編

紫針

唐本  
即紫梗

五倍子

開寶  
百藥煎

螳螂桑螵蛸

本經

雀甕

本經  
天漿子  
即

蠶

本經

原蠶

別錄  
即晚蠶

石蠶

本經  
雲  
師雨虎附

九香蟲

綱目



海蠶 海藥

雪蠶 綱目

枸杞蟲 拾遺

懷香蟲 綱目

右附方舊六十四新二百零五

本草綱目卷三十九目錄

欽定四庫全書

本草綱目卷三十九

明 李時珍 撰

蟲之一

卵生類上  
二十三種

蜂蜜

本經上品

釋名 蜂糖

俗名

生巖石者名石蜜

本經

石飴

同

巖蜜

時珍曰蜜

以密成故謂之蜜本經原作石蜜蓋以生巖石者為良耳而諸家反致疑辨今直題曰蜂蜜正名也

正誤

勝江南者陶未見故以南土為勝耳今以水牛乳

沙糖作者亦名石蜜此蜜既蜜作宜去石字宗奭曰嘉祐本草石蜜有二一見蟲魚一見果部乳糖既曰石蜜則蟲部石蜜不當言石矣石字乃白字誤耳故今人尚言白沙蜜蓋新蜜稀而黃陳蜜白而沙也藏器曰巖蜜出南方巖嶺間入藥最勝石蜜宜改為巖字蘓恭是荆襄間人地無崖險不知石蜜之勝故也時珍曰按本經石蜜生諸山石中色白如膏者良是蜜取山石者為勝矣蘓恭不放山石字因乳糖同名而欲去石字寇氏不知真蜜有白沙而偽蜜稀黃但以新久立說並誤矣凡試蜜以燒紅火筋插入提出起氣是真起烟是偽無疑

集解別錄曰石蜜生武都山谷河源山谷及諸山石間色白如膏者良弘景曰石蜜即崖蜜也在高山巖石間作之色青味小酸食之心煩其蜂黑色似蜜其木蜜懸樹枝作之色青白土蜜在土中作之色赤青白味醲人家及樹空作者亦白而濃厚味美今出晉安檀崖者多土蜜云最勝出東陽臨海諸處及

江南向西者多木蜜出於潛懷安諸縣者多崖蜜亦有樹木及人家養者諸蜜例多添雜及煎煮不可入藥必須親自看取乃無雜耳凡蜂作蜜皆須人小便以釀諸花乃得和熟狀似作飴須藥也藏器曰尋常蜜亦有石上作者土中作者北方地燥多在土中南方地濕多在木中各隨土地所宜其蜜一也崖蜜別是一蜂如陶所說出南方崖巖間房懸崖上或土窟中人不可到但以長竿刺令蜜出以物承取多者至三四石味醖色綠入藥勝於凡蜜張華博物志云南方諸山幽僻處出蜜蠟蜜蠟所著皆絕巖石壁非攀緣所及惟於山頂以藍輦懸下遂得米取蜂去餘蠟在石有鳥如雀羣來啄之殆盡名曰靈雀至春蜂歸如舊人亦占護其處謂之蜜塞此即石蜜也頌曰食蜜亦有兩種一在山林木上作房一在人家作窠檻收養之蜜皆濃厚味美近世宣州有黃連蜜色黃味小苦主目熱雍洛間有梨花蜜白如凝脂亳州太清宮

有檜花蜜色小赤柘城縣有何首烏蜜色更赤並蜂采其花作之各隨花性之溫涼也宗奭曰山蜜多在石中木上有經一二年者氣味醇厚人家者一歲二取氣味不足故不及且久收易酸也時珍曰陳藏器所謂靈雀者小鳥也一名蜜母黑色正月則至巖石間尋求安處羣蜂隨之也南方有之

修治

穀曰凡煉蜜一觔只得十二兩半是數若火少太過並用不得時珍曰凡煉沙蜜每觔入水四

兩銀石器內以桑柴火慢煉掠去浮沫至滴水成珠不散乃用謂之水火煉法又法以器盛置重湯中煮一日候滴水不散取用亦佳且不傷火也

氣味甘平無毒

別錄曰微溫頴曰諸蜜氣味當以花為主冬夏為上秋次之春則易變而

酸閩廣蜜極熱以南方少霜雪諸花多熱也川蜜溫西蜜則涼矣劉完素曰蜜成於蜂蜂寒而蜜溫同質

異姓也時珍曰蜂蜜生涼熟溫不冷不燥得中和之氣故十二臟腑之病罔不宜之但多食亦生濕熱蟲蠱小兒尤當戒之王充論衡云蜂蠆巢太陽火氣而生故毒在尾蜜為蜂液食多則令人毒不可不知煉過則無毒矣宗奭曰蜜雖無毒多食亦生諸風也朱震亨曰蜜喜入脾西北高燥故人食之有益東南卑濕多食則害生於脾也思邈曰七月勿食生蜜令人暴下霍亂青赤酸者食之心煩不可與生葱蒿茱同食令人利下食蜜飽後不可食鮓令人暴亡

主治心腹邪氣諸驚癇瘕安五臟諸不足益氣補中

止痛解毒除衆病和百藥久服強志輕身不饑不老

延年神仙

本經

養脾氣除心煩飲食不下止腸澼肌中

疼痛口瘡明耳目

別錄

牙齒疳蟲唇口瘡目膚赤障殺

蟲

藏器

治卒心痛及赤白痢水作蜜漿頓服一碗止或

以薑汁同蜜各一合水和頓服常服面如花紅

甄權

治

心腹血刺痛及赤白痢同生地黄汁各一匙服即下

孟詵

同薤白搗塗湯火傷即時痛止

宗奭曰肘后用白蜜塗上竹膜貼之

三和營衛潤臟腑通三焦調脾胃

時珍

發明

弘景曰石蜜道家九餌莫不須之仙方亦單服食云至長生不老也時珍曰蜂采無毒之花釀

以大便而成蜜所謂臭腐生神奇也其入藥之功有五清熱也補中也解毒也潤燥也止痛也生則性涼



故能清熱熟則性溫故能補中甘而和平故能解毒  
系而濡澤故能潤燥緩可以去急故能止心腹肌肉  
瘡瘍之痛和可以致中故能調和百藥而與甘草同  
功張仲景治陽明結燥大便不通蜜煎導法誠千古  
神方也說曰但凡覺有熱四肢不和即服蜜漿一椀  
甚良又點目中熱膜以家養白蜜為上木蜜次之崖  
蜜更次之也與薑  
汁熬煉治癰甚効

附方

舊十三  
新六

大便不通

張仲景傷寒論云陽明病自  
汗小便反利大便硬者津液

內渴也蜜煎導之用蜜二合銅器中微火煎之候凝  
如飴狀至可丸乘熱捻作挺令頭銳大如指長寸半  
許候冷即硬納便道中少頃即通也噫不下食  
一法加皂角細辛為末少許尤速  
微微煎下產後口渴  
廣利方產後口渴  
水調服即止  
產書  
難產橫

生

蜂蜜真麻  
減半服立

油各半碗煎  
下海上方

天口虜瘡

比歲有病天行  
斑瘡頭面及身

生蜂蜜真麻油各半碗煎天口虜瘡此歲有病天行  
減半服立下海上方

痘疹作養

難忍抓成瘡及疤欲落不落百  
花膏用上等石蜜不拘多少湯和時時以翎刷之其

瘡易落自無癥  
痕全幼心鑑

癰癤瘙痒

白蜜不拘多少  
好酒調下有効

五色丹毒

蜜和乾薑末  
傳之肘後

口中生瘡

蜜浸大青葉含  
之藥性論

陰頭生瘡

蜜以

煎甘草塗之  
煖外臺

肛門生瘡

肛門主肺肺熱即肛塞腫縮  
生瘡白蜜一觔猪膽汁一枚

相和微火煎令可丸三寸長作挺塗疔腫惡毒用  
油納下部以令後重須臾通泄梅師

蜜與隔年葱研膏先刺破塗之如人行五里許則疔出後以熱醋湯洗去濟急仙方熱油燒

痛

以白蜜塗之

梅師

大瘋癩瘡

取白蜜一觔生薑二觔搗取汁先秤銅鐺兩下薑汁於

蜜中消之又秤之令知觔兩即下蜜於鐺中微火煎令薑汁盡秤蜜觔兩在即藥已成矣患三十年癩者平旦服藥許大一丸一日三服溫酒下忌生冷面上醋滑臭物功用甚多不能一一具之食療方

黥點

取白蜜和茯苓末塗之七日便瘥也

孫真人食忌

目生珠管

以生蜜塗目仰臥半

日乃可洗之日

誤吞銅錢

煉蜜服二升可出矣葛氏方諸魚骨鯁

以好蜜稍稍服之令下

葛氏拔白生黑

治年少髮白拔去白髮以白蜜塗毛孔中即生黑髮

不生取梧桐子搗汁塗上必生黑者梅師方

蜜蠟

本經上品

釋名

弘景曰生於蜜中故謂蜜蠟時珍曰蠟猶鬣也蜂造蜜蠟而皆成鬣也

集解

別錄曰蠟生武都山谷蜜廬木石間弘景曰蜂先以此為蜜雖煎蜜亦得之初時極香軟人更

煮煉或少加醋酒便黃赤以作褐色為好今醫家皆用白蠟但取削之於夏月暴百日許自然白也卒用之煇內水中十餘遍亦白宗奭曰新蠟色白隨久則黃白蠟乃蠟之精英者也時珍曰蠟乃蜜脾底也取蜜後煉過濾入水中候凝取之色黃者俗名黃蠟煎煉極淨色白者為白蠟非新則白而久則黃也與今時所用蟲造白蠟不同

氣味甘微溫無毒

之才曰惡芫花齊蛤

主治蜜蠟主下痢膿血補中續絕傷金瘡益氣不饑

耐老

本經權曰和松脂杏仁棗肉茯苓等分合成食後服五十丸便不飢頌曰古人荒歲多食蠟以

度飢但合大棗咀嚼即易爛也

白蠟療人洩瀉後重見白膿補絕傷利小兒久服輕

身不饑

別錄

孕婦胎動下血不絕欲死以雞子大煎三

五沸投美酒半升服立瘥又主白髮鑷去消蠟點孔

中即生黑者

甄權

發明

時珍曰蜜成於蠟而萬物之至味莫甘於蜜莫淡於蠟得非厚於此必薄於彼耶蜜之氣味俱

厚屬於陰也故養脾蠟之氣味俱薄屬乎秋也故養胃厚者味甘而性緩質柔故潤臟腑薄者味淡而性嗇質堅故止洩痢張仲景治病有調氣飲千金方治痢有膠蠟湯其效甚捷蓋有見於此歟又華佗治老少下痢食入即吐用白蠟方寸匕雞子黃一箇石蜜苦酒髮灰黃連末各半雞子殼先煎蜜蠟苦酒雞子四味令勻乃納連髮熬至可丸乃止二日服盡神効無比也此方用之屢經效驗乃知本經主下痢膿血之言深當膺服也

附方

舊十八  
新十五

仲景調氣飲

治赤白痢小腹痛不可忍下重或面青手足俱變者

用黃蠟三錢阿膠三錢同溶化入黃連千金膠蠟湯末五錢攪勻分三次熱服神妙

金匱

千金膠蠟湯

治熱痢及婦人產後下痢用蠟二錢于大阿膠二錢當歸二錢半黃連三錢黃蘗一錢陳廩米半升水三

鍾煮米至一升去米入藥煎至一鍾溫服神効 千金方 急心疼痛 用黃蠟燈上

大百草霜為衣 井水下三丸 肺虛咳嗽 立效 凡治肺虛隔熱咳嗽

冷水體倦肌瘦發熱減食喉音嘶不出黃蠟溶濾令淨漿水煮過八兩再化作一百二十丸以蛤粉四兩

為衣養藥每服一丸胡桃半箇細嚼溫肝虛雀目 水下即臥閉口不語日二 普濟方 肝虛雀目 黃

不拘多少溶汁取出入蛤粉相和得所每用刀子切下二錢以猪肝二兩批開摻藥在內麻繩扎定水一

椀同入銚子內煮熱取出乘熱蒸眼至溫并肝食之日二以平安為度其効如神 集驗方 頭瘋

掣疼 於湖南押衙顏思退傳方用蠟二觔鹽半觔相和於銚羅中溶令相入捏作一兜鑿勢可合腦大

小空頭至額其痛脚上轉筋 劉禹錫續傳信方用蠟立止也 經驗方 脚上轉筋 半觔銷之塗舊絹帛上

隨患大小潤狹乘熱纏脚須當脚心便暴風身冷暴

著襪裹之冷即易仍貼兩手心圖經風毒驚悸同上破

通身水冷如癰緩者用上方法隨風毒驚悸同上破

傷風濕如瘡者以黃蠟一塊熱酒化開服立代指疼

痛以蠟松膠相和火炙脚上凍瘡之濃煎黃蠟塗

刺人腫痛用熱蠟著瘡并烟熏犬咬瘡發以蠟炙溶

氏方葛蛇毒螫傷以竹筒合瘡上溶蠟湯火傷瘡

毒腐成膿用此拔熱毒止疼痛斂瘡口用麻油四兩

當歸一兩煎焦去滓入黃蠟一兩攪化放冷攤帛貼

之神效

醫林集要 腫脰爛瘡用桃柳槐椿棟五枝同荆芥煎



隨瘡大小貼十層以帛拴定三日一洗  
除一層不用一月痊愈 醫林集要 妊娠胎漏 黃

一兩老酒一椀溶 化熱服頃刻即止 呃逆不止 黃蠟燒烟熏二三次 霍

亂吐利 蠟一彈丸熱酒一升 化服即止 時後方 諸般瘡毒 膿瘡金瘡湯

蠟一兩香油二兩黃丹半兩同化 開頓冷瓶收攤貼 王仲勉經驗

# 蜜蜂

本經上品

釋名 蠟蜂 綱目 蠶 時珍曰蜂尾垂鋒故謂之蜂蜂有禮

綏化書云蜂有 君臣之禮是矣

集解 別錄曰蜂子生武都山谷頌曰今處處有之即  
蜜蜂子也在蜜脾中如蠶蛹而白色嶺南人取

頭足未成者油炒食之時珍曰蜂子即蜜蜂子未成時白蛹也禮記有雀鷄螟范皆以供食則自古食之矣其蜂有三種一種在林木或土穴中作房為野蜂一種人家以器收養者為家蜂並小而微黃蜜皆濃美一種在山巖高峻處作房即不蜜也其蜂黑色似牛蚤三者皆羣居有王王大於衆蜂而色青蒼皆一日兩衙應潮上下凡蜂之雄者尾銳雌者尾歧相交則黃退喫花則以鬚代鼻采花則以股抱之按王元之蜂記云蜂王無毒窠之始營必造一臺大如桃李王居臺上生子於中王之子盡復為王歲分其族而去其分也或鋪如扇或圓如嬰擁其王而去王之所去蜂不敢螫若失其王則衆潰而死其釀蜜如脾謂之蜜脾凡取其蜜不可多多則蜂饑而不蕃又不可少少則蜂惰而不作嗚呼王之無毒似君德也營巢如臺似建國也子復為王似分定也擁王而行似衛主也王所不螫似遵法也王失則潰守義節也取惟

得中似什一而稅也山人貪其利恐其分而刺其子不仁甚矣

蜂子氣味甘平微寒無毒

大明曰涼有毒食之者須以冬瓜苦實生姜紫蘇制

其毒之才曰畏黃芩芍藥牡蠣白前

主治頭瘋除蠱毒補虛羸傷中久服令人光澤好顏

色不老

本經弘景曰酒漬傳面令人悅白

輕身益氣治心腹痛面目

黃大人小兒腹中五蟲從口吐出者

別錄

主丹毒風癰

腹內留熱利大小便澀去浮血下乳汁婦人帶下病

藏器大風癰疾

時珍

發明

時珍曰蜂子古人以充饌品故本經別錄著其功効而聖濟總錄治大風疾兼用諸蜂子蓋亦

足陽明太陰之藥也

附方

一新

大瘋癘疾

鬚眉墮落皮肉已爛成瘡者用蜜蜂子胡蜂子黃蜂子並炒各一分

白花蛇烏蛇並酒浸去皮骨炙乾全蝎去尾炒白蠶  
蠶炒各一兩地龍去土炒半兩蜚虎全用炒赤足蜈蚣  
全者炒各十五枚丹砂一兩雄黃醋熬一分龍腦  
半錢石為末每服一錢已溫蜜湯調下日三五服

總錄

土蜂

別錄

校正

舊與蜜蜂子同條今分出

釋名蜚零

本經

螳蜂

音蟬同上

馬蜂

頌曰郭璞註爾雅云今江東呼大蜂在地中作

房者為土蜂即馬蜂也荆巴間呼為螳蜂

集解

別錄曰土蜂生武都山谷藏器曰土蜂穴居作房赤黑色最大螫人至死亦能釀蜜其子亦大

而白頌曰土蜂子江東人亦啖之又有木蜂似土蜂人亦食其子然則蜜蜂土蜂木蜂黃蜂子俱可食大抵蜂類同科其性效不相遠矣

蜂主治燒末油和傳蜘蛛咬瘡

藏器曰此物能食蜘蛛取其相伏也

蜂子氣味甘平有毒

大明曰同蜜蜂畏亦同也

主治癰腫

本經

噬痛

別錄

利大小便治婦人帶下

日華功同

蜜蜂子

藏器

酒浸傳面令人悅白

時珍

附方

新

一面黑令白

土蜂子未成頭翅者炒食并以酒浸傳面聖惠方

房主治癰疽不消為末醋調塗之乾更易之不入服

食

藥性

療丁腫瘡毒

時珍

附方

新

疔腫瘡毒

已篤者二服即愈輕者一服立効用土蜂房一箇蛇蛻一條黃泥固

濟煅存性為末每服一錢空心好酒下少頃腹中大痛痛止其瘡已化為黃水矣普濟方

大黃蜂

別錄

校正

舊與蜜蜂同條今分出

釋名黑色者名胡蜂

廣雅

壺蜂

方

瓢瓢蜂

音鉤

玄瓢蜂

時珍曰凡物黑色者謂之胡其壺瓢瓢皆象形命名也瓢瓢苦瓢之名楚辭云玄蜂若壺是矣大黃蜂

色黃酥瓢蜂色黑乃一類二種也陶說為是蘇頌以  
為一種非矣然蜂蛹蜂房功用則一故不必分條

### 集解

弘景曰大黃蜂子乃人家屋上者及瓢蜂也  
頌曰大黃蜂子在人家屋上作房及大木間即

瓢蜂之子也嶺南人取其子作饌食之其蜂黃色  
比蜜蜂更大按嶺表錄異云宣歙人好食蜂兒山林  
間大蜂結房大者如巨鐘其房數百層土人采時着  
草衣蔽身以捍其毒螫復以烟火熏去蜂母乃敢攀  
緣崖木斷其蒂一房蜂兒五六斗至一石揀狀如蠶  
蛹瑩白者以鹽炒暴乾寄入京洛以為方物然房中  
蜂兒三分之一翅足已成則不堪用據此則木上作  
房蓋瓢蜂之類然今宣城蜂子乃握地取之似土蜂  
也郭璞註爾雅云土蜂乃大蜂在地中作房木蜂似  
土蜂而小江東人並食其子然則二蜂皆可食久矣  
大抵性味亦  
不相遠也

蜂子氣味甘涼有小毒

大明曰見  
蜜蜂下

主治心腹脹滿痛乾嘔輕身益氣

別錄

治雀卵斑面皯

餘功同蜜蜂子

時珍

附方

新

雀斑面皯

七月七日取露蜂子於漆椀中水酒浸過濾汁調胡粉傅之

普濟

方

露蜂房

本經  
中品

釋名蜂腸

本經

蜂勑

勑與  
窠同

百穿

並別  
錄

紫金沙

集解

別錄曰露蜂房生牂牁山谷七月七日采陰乾  
弘景曰此蜂房多在樹木中及地中今曰露蜂



房當用人家屋間及樹枝間苞裹者乃遠舉群蚋未  
解所以恭曰此房懸在樹上得風露者其蜂黃黑色  
長寸許螫馬牛及人乃至欲死非人家屋下小小蜂  
房也韓保昇曰此樹上大黃蜂窠也所在皆有大有  
如甕小者如桶十一二月米之宗奭曰露蜂房有二  
種一種小而色淡黃窠長六七寸至一尺濶二三寸  
如蜜脾下垂一邊多在叢木深林之中謂之牛舌蜂  
一種多在高木之上或屋之下外面圓如三四斗許  
或一二斗中有窠如瓢狀由此得名玄秘蜂其色赤  
黃大於諸蜂今人皆魚用之數曰蜂房有四件一名  
革蜂窠大者一二丈圍在樹上內窠小隔六百二十  
六箇大者至一千二百四十箇其裏粘木蒂是七姑  
木汁其蓋是牛糞沫其隔是葉莖也二名石蜂窠只  
在人家屋上大小如拳色蒼黑內有青色蜂二十一  
箇或只十四箇其蓋是石垢其粘處是七姑木汁其  
隔是竹蛀也三名獨蜂窠大小如鷺卵外皮厚蒼黃

色是小蜂并蜂翅盛向裏只有一箇蜂大如小石燕子許人馬被螫著立亡也四名是草蜂窠也入藥以草蜂窠為勝時珍曰草蜂乃山中大黃蜂也其房有重重如樓臺者石蜂草蜂尋常所見蜂也獨蜂俗名七里蜂者是矣其毒最猛

修治 斲曰凡使草蜂窠先以鴉豆枕等同拌蒸從已至未時出鴉豆枕了晒乾用大明曰入藥並炙用

氣味甘平有毒

別錄曰鹹之才曰惡乾薑丹參黃芩芍藥牡蠣

主治驚癇瘕瘕寒熱邪氣癰疾鬼精蠱毒腸痔火熬

之良

本經

療蜂毒毒腫合亂髮蛇皮燒灰以酒日服二

方寸匕治惡疽附骨癰根在臟腑歷節腫出丁腫惡

脈諸毒皆瘡

別錄

療上氣赤白痢遺尿失禁燒灰酒服

主陰痿水煮洗狐尿刺瘡服汁下乳石毒

蘇恭

煎水洗

熱病後毒氣衝目炙研和猪脂塗瘰癧成瘻

蘇頌

煎水

漱牙齒止風蠱疼痛又洗乳癰蜂疔惡瘡

大明

發明

時珍曰露蜂房陽明藥也外科齒科及他病用之者亦皆取其以毒攻毒兼殺蠱之功耳

附方

舊十五新十八

小兒卒癰

大蜂房一枚水三升煮濃汁浴之日三四次佳千金方

臍風濕腫

久不瘥者蜂房燒末傅之效

手足風痺

黃蜂窠大者一箇小

者三四箇燒灰獨頭蒜一盞百草霜一錢半同搗傳  
上一時取下埋在陰處忌生冷葷腥乾坤秘韞

風氣瘙痒

及癰癤蜂房炙蟬蛻等分為末酒服一錢  
日三服梅師方用露蜂房煎汁入芒硝

傳之日

風熱牙腫

連及頭面用露蜂房燒存性研末  
以酒少許調噲漱之十便良方

風蠱牙痛

露蜂房煎醋熱漱之袖珍方用草蜂房  
一枚鹽實孔內燒過研末擦之鹽湯漱去

或取一塊咬之秘方也

普濟方用露蜂房一箇乳  
香三塊煎水漱之又同細辛煎水漱之又露蜂

房全蠍同研擦之

聖惠

喉痺腫痛

露蜂房灰白殭  
用蜂房帶綿包咬之効蠶等分為末每

乳香湯服半錢

食醫心鏡用蜂房燒

重舌腫痛房

灰每以一錢吹入喉內不拘大人小兒

炙研酒和傳之日

舌上出血

竅如針孔用紫金沙即  
三四次聖惠方露蜂房頂上實處一兩

貝母四錢盧會三錢為末蜜和丸雷凡大每用一丸  
水一小盞煎至五分溫服吐血溫酒調服雲臺方

吐血衄血

上方同

崩中漏下

五色使人無子蜂房末三指撮溫酒服之大神效

張文仲方

小兒下痢

赤白者蜂房燒末飲服五分

張傑母子秘錄

小兒咳嗽

蜂房

二兩洗淨燒研每服一字米飲下勝金

二便不通

蜂房燒末酒服二三錢日二服不拘大人

小兒母秘錄

陰痿不興

蜂窠燒研新汲井水服二錢可御十女

峽嶺神書陰寒

痿弱

蜂房灰夜傳陰上即熱起千金方

陰毒腹痛

露蜂房三錢燒存性葱白五寸同研

為丸男左女右著手中握陰臥之汗出即愈

寸白虬蟲

蜂窠燒存性酒服一匙蟲即死

生編

乳石熱毒

壅悶頭痛口乾便秘赤少者用蜂房煮汁五合服乳石末從小便中下大

效圖經云用十二分炙藥毒上攻如聖散用蜂房

以水二升煮八合分服黃色去麩為末水二盞煎八分臨鼻外瘡瘤膿水血

臥頓服明日取下惡物經驗方鼻外瘡瘤膿水血

灸研酒服方寸匕頭上瘡癬蜂房研末臘猪脂軟瘳

日三服附后方頻作露蜂房二枚燒存性以巴豆二十一粒煎清油

女人妬乳乳癰汁不出內結成腫名妬乳用蜂房燒

服濟風癭不合露蜂房一枚炙黃研末每以下部

漏疾大露蜂房燒存性研搗之乾則蜂螫腫疼蜂房

猪羔和傅或煎水洗千金方

竹蜂

拾遺

釋名留師

郭璞作  
苗師

集解

藏器曰方言云竹蜂留師也蜂如小指大正黑色嚙竹而窠蜜如稠糖酸甜好食時珍曰六占

云竹蜜蜂出蜀中于野竹上結窠紺色大如鷄子長寸許有蒂窠有蜜甘倍常蜜即此也按今人家一種黑蜂大如指頭能穴竹木而居腹中有蜜小兒撲殺取食亦此類也又杜陽編言外國鸞蜂大十餘斤其蜜碧色服之成仙此亦不經之言未足深信又有刺蜜木蜜生草木上俱見果部本條木蜜即枳椇

留師蜜氣味甘酸寒無毒

主治牙齒齲痛及口瘡並含之良

藏器

# 赤翅蜂

集解

藏器曰出嶺南狀如土蜂翅赤頭黑大如螳螂穿土為窠食蜘蛛蜘蛛遙知蜂來皆狼狽藏隱

蜂以預知其處食之無遺時珍曰此毒蜂穿土作窠者一種獨蜂作窠於木亦此類也其窠大如鷲卵皮厚蒼黃色只有一箇蜂大如小石燕子人馬被螫立亡也又一種路蜂出巴中在寨鼻蛇穴內其毒倍常中人手足輒斷中心胸即圯裂非方藥可療惟禁術可制故元稹詩云巴蛇蟠窟穴穴下有巢蜂近樹禽垂翅依原獸絕蹤微遭斷手足厚毒破心胸昔甚招冤句那知服自逢此蜂之毒如此附見於此養生遠害者不可不知

主治有毒療蜘蛛咬及疔腫疽病燒黑和油塗之或

取蜂窠土以酢和塗之蜘蛛咬處當得絲出

藏器



獨脚蜂

拾遺

集解

藏器曰出嶺南似小蜂黑色一足連樹根不得去不能動搖五月采之又有獨脚蟻亦連樹根

不能動搖功用與蜂同時珍曰嶺南有樹小兒樹蚨蝶及此蜂蟻皆生於樹是亦氣化乃無情而生有情也西陽雜俎云嶺南毒菌夜有光經雨則腐化為巨蜂黑色其喙若鋸長三分齧人甚毒物類之變化不如此

一有  
如此  
主治疔腫癰疽燒研和油塗之

藏器

蠮螋

音噎翁  
本經下品

釋名土蜂

別錄

細腰蜂

莊子

螺贏

詩經

蒲蘆

爾雅

弘景曰此

類甚多雖名土

蜂不就土中作窟謂捷土作房  
爾時珍曰螻蛄象其聲也

集解

別錄曰螻蛄生熊耳川谷及牂牁或人屋間引  
景曰今一種蜂黑色腰甚細銜泥於人屋及器

物邊作房如併竹管者是也其生子如粟米大置中  
乃捕取草上青蜘蛛十餘枚滿中仍塞口以待其子  
大為糧也其一種入蘆管中者亦取草上青蟲詩云  
螟蛉有子果蠃負之言細腰之物無雌皆取青蟲教  
祝便變成己子斯為謬矣造詩者未審而夫子何為  
因其僻耶豈聖人有缺多皆類此韓保昇曰按詩疏  
云螟蛉桑蟲也果蠃蒲蘆也言蒲蘆負桑蟲以成其  
子也亦負他蟲封之數日則成蜂飛去今有人候其  
封穴壞而看之見有卵如粟在死蟲之上果如陶說  
蓋詩人知其大而不知其細也此蜂所在有之隨處  
作窠或隻或雙不  
拘土石竹木間也

正誤

李含光曰視變成子近有數見者非虛言也頌

曰詩言螟蛉有子果蠃負之楊雄方言亦云螟  
蛉之子殪而逢果蠃祝之曰類我類我久之變為蜂  
陶氏蜀本皆以為生子如粟捕諸蟲為糧段成式亦  
云書齋多蠐螬窠祝聲可聽開而視之悉是小蜘蛛  
以沈隔之乃知不獨負桑蟲也數說不同然物類變  
化固不可度炸蟬生於轉丸衣魚生於瓜子之類非  
一桑蟲蜘蛛之變為蜂不為異也如陶所說卵如粟  
者未必非祝蟲而成之也宋齊丘所謂蠐螬之蟲孕  
螟蛉之子傳其情交其精溷其氣和其神隨物大小  
俱得其真蠢動無定情萬物無定形斯言得之矣蟲  
宗奭曰諸家之說終不敢捨詩之義嘗拆窠視之果  
有子如粟米大色白而微黃所負青菜蟲却在子下  
不與蟲相著陶說近之時珍曰蠐螬之說各異今通  
攷諸說并視驗其卵及蜂之雙雙往來必是雌雄當  
以陶氏寇氏之說為正李氏蘇氏之說為誤按解頤

新語云果蠃自有卵如栗寄在蟲身其蟲不死不生  
久則漸枯子大食之而出正如蠅卵寄附於蠶身久  
則卵化穴繭而出也列子言純雉無雌其名樛蜂莊  
子言細腰者化則自古已失之矣羅願爾雅翼云陶  
說實當物理但以此疑聖人則不知詩之本旨矣詩  
云螟蛉有子果蠃負之教誨爾子式穀似之蓋言國  
君之民為他人所取爾說者不知似字乃似續之似  
誤以為如似之似遂附會其說爾猶云鷦鷯鷦鷯既  
取我子亦可謂鷽以衆鳥為子乎今屢破其房見子  
與他蟲同處或子已去而蟲存空殼或蟲成蛹而子  
尚小蓋蟲終不壞至其成蛹子乃食之而出也近時  
王浚川著雅述亦云年年驗之皆如陶氏之說焉

氣味辛平無毒

大明曰有毒  
入藥妙用

主治久聾欬逆毒氣出刺出汗

本經

療鼻窒別治嘔逆

生研能晉竹木刺

大明 嶠嶠書云五月五日取蟬  
陰乾為末用兵死人血丸置衣

領中云令  
人畏伏

土蜂窠

見土部

附錄雄黃蟲

別錄有名未用明目辟兵  
不祥益氣力狀如蟾蜍

蟲白蠟

會編

集解

機曰蟲白蠟與蜜蠟之白者不同乃小蟲所作  
也其蟲食冬青樹汁久而化為白脂粘敷樹枝

人謂蟲屎著樹而然非也至秋刮取以水煮溶漚置  
冷水中則凝聚成塊矣碎之文理如白石膏而瑩徹  
人以和油澆燭大勝蜜蠟也時珍曰唐宋以前澆燭  
入藥所用白蠟皆蜜蠟也此蟲白蠟則自元以來人

始知之今則為日用物矣四川湖廣滇南閩嶺吳越東南諸郡皆有之以川滇衡永產者為勝蠟樹枝葉狀類冬青四時不凋五月開白花成叢結實纍纍大如蔓荊子生青熟紫冬青樹子則紅色也其蟲大如虬虱芒種後則延緣樹枝食汁吐涎粘於嫩莖化為脂乃結成蠟狀如凝霜處暑後則剝取謂之蠟渣若過白露即粘住難刮矣其渣煉化濾淨或甑中蒸化滙下器中待凝成塊即為蠟也其蟲嫩時白色作蠟及老則赤黑色乃結苞於樹枝初若黍米大入春漸長大如鷄頭子紫赤色纍纍抱枝宛若樹之結實也蓋蟲將遺卵作房正如雀窠蝶蛸之類爾俗呼為蠟種亦曰蠟子子內皆白卵如細蚬一色數百次年立夏日摘下以箬葉包之分繫各樹芒種後苞拆卵化蟲乃延出葉底復上樹作蠟也樹下要潔淨防蟻食其蟲又有水蠟樹葉微似榆亦可產蠟

氣味甘溫無毒

主治生肌止血定痛補虛續筋接骨

震亨

入丸散服殺

療蟲

時珍

發明

震亨曰白蠟屬金稟受收斂堅強之氣為外科要藥與合歡皮同入長肌肉膏中用之神效但

未試其可服否也時珍曰蠟樹葉亦治瘡腫故白蠟為外科要藥正如桑螵蛸與桑木之氣相通

附方

一新

頭上禿瘡

蠟燭頻塗勿令日晒久則自然生髮集玄方

紫釰

音鑛唐本草

校正

原與麒麟竭同條今自木部分入此

釋名赤膠

蘇恭

紫梗

時珍曰釰與礦同此物色紫狀如礦石破開乃紅故名今南番連枝

折取謂之紫梗是矣

集解

恭曰紫鉗紫色如膠作赤麋皮反實鉗用為假色亦以膠實物云蟻於海畔樹藤皮中為之紫

鉗樹名渴裏騏驎竭樹名渴留正如蜂造蜜也研取用之吳錄所謂赤膠是也洵曰廣州記云紫鉗生南海山谷其樹紫赤色是木中津液結成可作胡臘脂餘滓則玉作家用之騏驎竭乃紫鉗樹之脂也志曰按別本註言紫鉗騏驎竭二物同條功效全別紫鉗色赤而黑其葉大如盤鉗從葉上出騏驎竭色黃而赤從木中出如松脂也頌曰按段成式酉陽雜俎云紫鉗樹出真蠟國彼人呼為勒佉亦出波斯國木高丈許枝葉鬱茂葉似橘柚經冬不凋三月開花白色不結子天有霧露及雨沾濡其枝條即出紫鉗波斯使者所說如此而真臘使者言是蟻運土上於樹端作窠蟻壤得雨露凝結而成紫鉗崑崙出者善波斯



次之又交州地志亦云本州歲貢紫鉚出於蟻壤乃知與血竭俱出於木而非一物明矣今醫家亦罕用惟染家須之宗奭曰紫鉚狀如糖霜結於細枝上累纍然紫黑色研破則紅今人用造綿裱被過來亦難得時珍曰紫鉚出南番乃細蟲如蟻虱緣樹枝造成正如今之冬青樹上小虫造白蠟一般故人多挿枝造之今吳人用造胭脂按張勃吳錄云九真移風縣有土赤色如膠人視土知其有蟻因壑發以木枝挿其上則蟻緣而上生漆凝結如螳螂蝶蛸子之狀人折漆以染絮物其色正赤謂之蟻漆亦絮此即紫鉚也血竭乃其樹之脂膏別見木部

氣味甘鹹平有小毒

大明曰無毒

主治五臟邪氣金瘡帶下破積血生肌止痛與騏驎

竭大同小異

蘇恭

濕痒瘡疥宜入膏用

李珣

益陽精去陰

滯氣

太清伏鍊法

附方

新

齒縫出血

紫礦乳香麝香白礬等分為末慘之水漱

衛生易簡方產後

血運

狂言失志用紫釧一兩為末酒服二錢七

徐氏家傳方經水不止

日漸黃瘦紫礦

末每服二錢

空心白湯下

闕氏家藏方

五倍子

開寶

校正

自本部移入此

釋名文蛤

開寶

百蟲倉

拾遺

法釀過名百藥煎

時珍曰五倍當作五

備見山海經其形似海中文蛤故亦同名百蟲倉會意也百藥煎隱名也

集解

志曰五倍子在處有之其子色青大者如拳而內多蟲頌曰以蜀中者為勝生於膚木葉上七

月結實無花其木青黃色其實青至熟而黃九月采子曝乾染家用之時珍曰五倍子宋開寶本草收入草部嘉祐本草移入木部雖知生於膚木之上而不知其乃蟲所造也膚木即鹽膚子木也詳見果部鹽麤子下此木生叢林處者五六月有小蟲如蟻食其汁老則遺種結小毬於葉間正如站蜥之作雀窠蠟虫之作蠟子也初起甚小漸漸長堅其大如拳或小如菱形狀圓長不等初時青綠久則細黃綴於枝葉宛若結成其殼堅脆其中空虛有細虫如蟻螻山人霜降前采取蒸殺貨之否則蟲必穿壞而殼薄且腐矣皮工造為百藥煎以染皂色大為時用他樹亦有此蟲毬不入藥用木性殊也

氣味酸平無毒

主治齒宣疳蟲肺臟風毒流溢皮膚作風濕癬疥癢

膿水五痔下血不止小兒面鼻疳瘡開寶腸虛泄痢為

未熟湯服之藏器生津液消酒毒治中蠱毒毒藥日華口

瘡慘之便可飲食宗奭飲肺降火化痰飲止欬嗽消渴

盜汗嘔吐失血久痢黃病心腹痛小兒夜啼烏鬚髮

治眼赤濕爛消腫毒喉痺欬潰瘡金瘡收脫肛子腸墜

下時珍

發明震亨曰五倍子屬金與水噙之善收頑痰解熱毒佐他藥尤良黃昏欬嗽乃火氣浮入肺中不

宜用涼藥宜五倍五味斂而降之時珍曰鹽麩子及木葉皆酸鹹寒涼能除痰飲咳嗽生津止渴解熱毒酒毒治喉痹下血血痢諸病五倍子乃蟲食其津液結成者故所主治與之同功其味酸鹹能斂肺止血化痰止渴收汗其氣寒能散熱毒瘡腫其性收能除泄痢濕爛

附方

舊二新六十九

虛勞遺濁

玉鎖丹治腎經虛損心氣不足思慮太過真陽不固漩有

餘瀝小便白濁如膏夢中頻遺骨節拘痛面黧肌瘦盜汗虛煩食減乏力此方性溫不熱極有神效用五倍子一斤白茯苓四兩龍骨二兩為末水糊丸梧子大每服七十九丸食前用鹽湯送下日三服和劑方

寐中盜汗

五倍子末蕎麥麵等分水和作餅煨熟夜臥待飢時乾喫二三箇勿飲茶水甚妙

集靈自汗盜汗

常出為自汗睡中出為盜汗用五倍子研末津調填臍中縛定一夜即止也

同  
上  
心  
疼  
腹  
痛

五倍子生研末每服一錢鉄杓內炒起烟黑色者為度以好酒一鍾傾八杓內

服之立止

邵

消渴飲水

五倍子為末水服方寸匕日三服危氏得效小

真人經驗方

兒嘔吐

不定用五倍子二箇一生一熟甘草一握濕紙煨過同研為末每服半錢米泔調下立瘥

袖方小兒夜啼

五倍子末津調填於臍內楊起簡便方暑月水泄五倍子末

飲丸黃豆大每服二十丸荷葉煎水下即時見效

余居士選奇方熱瀉下痢五倍子一兩枯

礬五錢為末糊丸

梧子大每服五丸瀉痢不止五倍子一兩半

生半燒為末糊丸

梧子大每服三十丸紅痢酒下白痢水酒下水泄米湯下集靈用五倍子末每米飲

服一  
錢  
滑  
痢  
不  
止

用五倍子醋炒七次為末米湯送下脾泄久痢五倍子

炒半觔

倉米炒一升白丁香細辛木香各三錢花椒五錢為末每服一錢蜜湯下日二服忌生冷魚肉集靈方

**赤痢不止**

文蛤炒研末水浸烏梅肉和丸梧子大每服七十九丸烏梅湯下**腸風下血**

五倍子白礬各半兩為末順流水丸梧子大每服七丸米飲下忌酒本事方**臟毒下血**五倍

子不拘多少為末大鯽魚一枚去腸胃鱗腮填藥令滿入瓶內煅存性為末每服一錢溫酒下王璆百一

選方**糞後下血**

不拘大人小兒五倍子末艾湯服一錢全幼心鑑**腸風臟毒**下血

不止五倍子半生半燒為末陳米飯和丸如梧子大每服二十九丸食前粥飲送下日三服聖惠方**酒**

**痢腸風**

下血見百藥煎

**小兒下血**

腸風臟毒五倍子末煉蜜丸小豆大每米飲服二十

鄭氏**大腸痔疾**

五倍子煎湯薰洗或燒烟直指方**脫肛不收**

三因方用五倍子末三錢入白礬一塊水一椀煎湯洗之立效 簡便用五倍子半觔水煮極爛盛坐桶

上薰之待溫以手輕托上內服參芪升麻藥 普濟方用五倍子百草霜等分為末醋熬成膏鵞翎掃傳

上即產後腸脫 五倍子末搽之或以五倍子 女人陰入 白礬煎湯熏洗 婦人良方

血因交接傷動者五倍 孕婦漏胎 五倍子末酒服二子末搽之良 熊氏 錢神效 朱氏集

驗風毒攻眼 腫痒澀痛不可忍者或上下臉赤爛或浮醫瘀肉侵睛神効驅風散用五倍子

一兩蔓荊子一兩半為末服二錢水二盞銅石器內煎汁去滓乘熱洗留滓再煎用大能明目去澀 博

濟小便尿血 五倍子末鹽梅搗和丸梧子大風眼赤方 每空心酒服五十丸 集簡方

爛集靈方用五倍子煨存性為末入飛過黃丹少許傳之日三上甚良 普濟方用五倍子研末傳之



名拜

爛弦風眼

五倍子銅青白塔士等分為末熟湯  
泡開閉目淋洗冷即再熱洗之眼弦

不可入湯

眼中弩肉

方同上

耳瘡腫痛

五倍子末冷水  
調塗濕則乾搽

之海

聾耳出膿

普濟方用五倍子末吹之

經驗

上名方

用五倍子焙乾一兩全蠍燒存性

三錢為末

鼻出衄血

五倍子末吹之仍以末同  
新綿灰等分米飲服二錢

牙縫

參耳中

出血

不止者五倍子燒存性研  
末傅之即止衛生易簡方

牙齒動搖

及外物傷  
動欲落者

五倍子乾地龍炒等分為末先以  
薑揩過然後傅之御藥院方

牙齦腫痛

五倍子  
一兩瓦

焙研末每以半錢傅痛處片時吐去  
涎內服去風熱藥楊子建護命方

風牙腫痛

五倍  
子一

錢黃丹花椒各五分為末搽之即止  
也五倍末冷水調塗頰外甚效

唇緊作痛

五倍  
子訶

子等分為末傳  
**天行口瘡**  
五倍子末摻之吐涎咽中  
端效方

**懸癰**  
古腫塞痛五倍子末白薑蠶末甘草末等分白  
梅肉搗和丸彈子大噉嚥其癰自破也  
朱氏

經驗  
**口舌生瘡**  
儒門事親赴筵散用五倍子蜜陀僧  
等分為末醬水漱過乾貼之院方加

脫蠶蛾  
澹寮方用五倍子一兩滑石半兩  
黃栢蜜炙半兩為末漱淨摻之便可飲食  
**白口惡**

**瘡**  
狀似木耳不拘大人小兒並用五倍子  
青黛等分為末以筒吹之  
端效方  
**走馬牙疳**

五倍子青黛枯礬黃蘗等分為末  
先以鹽湯漱淨摻之立效  
便覽  
**牙齦疳臭**  
五倍子炒焦一

兩枯礬銅青各一錢為末先以米  
泔漱淨摻之絕效方也  
集簡方  
**疳蝕口鼻**  
五倍子燒存性

研末摻之  
**小兒口疳**  
白礬裝入五倍子內燒  
過同研摻之  
簡便方  
**下部疳**

**瘡**

全幼心鑑用五倍子枯礬等分研末先以鹽水洗過搽之杏林摘要用五倍子花椒去子炒各一

錢細辛焙三分為末先以蔥湯洗淨搽之一二日生肉也**陰囊濕瘡**出水不瘥用

各五錢賦粉少許研末先以蔥椒湯洗過香油調搽以瘥為度**魚口瘡毒**初起

未成膿者用南五倍子炒黃研末入百草霜等分一以臘醋調塗于患處一日一夜即消杏林摘要一

**切諸瘡**

五倍子黃蘗等分為**一切腫毒**五倍子炒紫末傅之普濟方

之簡便治一切腫毒初起無頭者五倍子大黃黃蘗等分為末新汲水調塗四圍日三五次**一切**

**癬瘡**

五倍子去虫白礬燒過各等分為末搽之乾則油調簡便方**癩頭軟癬**及諸熱瘡

用五倍子七箇研末香油四兩熬至一半布絞去渣搽之三四遍即可勿以水洗之普濟方**風癩**

濕爛

五倍子末津調塗之同上

頭瘡熱瘡

風濕諸毒用五倍子白芷等分研末搽之

膿水即乾如乾者以清油調塗衛生易簡

瘡口不收

五倍焙研末以臘一醋脚調塗四圍效

切金瘡

五倍子降真香等分炒研末傅之皮肉自痊名啄合山拔萃方

金瘡出血

不止者五倍子末貼之若閉氣者以五倍子末二錢入龍骨末少許湯服立效

杖瘡

腫痛

五倍子去穰米醋浸一日慢火炒黃研末乾搽之不破者醋調塗之

手足

皸裂

五倍子末同牛骨髓填納縫中即安也

鷄骨哽咽

五倍子末搽入喉中

即化下

小兒脫肛

五倍子為末先以艾葉捲倍子末成筒放便桶內以瓦盛之令

病者坐于桶上以火點著使藥烟燻入肛門其肛自上隨後將白礬為末復搽肛門其肛自緊再不復脫

魚口便毒

五倍子不拘多少以淨瓦器盛之用醋熬成膏用綿布攤貼之如乾即換三五次即

愈  
偏墜氣痛

用五倍子一箇放食鹽少許在內以火紙包定用水浸濕放文武火灰內煨存

性為末  
酒調服

染烏鬚髮

聖濟總錄用針砂八兩米醋浸五日炒畧紅色研末五倍子百藥煎

沒石子各二兩訶黎勒皮三兩研末各包先以皂莢水洗鬚髮用米醋打蕎麥麪糊和針砂末傅上荷葉包過一夜次日取去以蕎麥糊四味敷之一日洗去即黑  
杏林摘要用五倍子一斤研末銅鍋炒之勿令成塊如有烟起即提下攪之從容上火慢炒直待色黑為度以濕青布包扎足踏成餅收貯聽用每用時以皂角水洗淨鬚髮用五倍子一兩紅銅末酒炒一錢六分生白礬六分訶子肉四分沒石子四分硃砂一分為末烏梅酸榴皮煎湯調勻碗盛重湯煮四五十沸待如飴狀以眉掠刷於鬚髮上一時洗去再

上包佳次日洗去以核桃油潤之半月一染甚妙

中河豚毒

五倍子白礬末等分以水調下

出事  
林廣記

百藥煎

修治

時珍曰用五倍子為粗末每一觔以真茶一兩煎濃汁入醪糟四兩搗爛拌和器盛置糠缸中

暑之待發起如發麴狀即成矣捏作餅丸晒乾用嘉謨曰入藥者五倍子鮮者十觔春細用瓷缸盛稻草蓋會七日夜取出再搗入桔梗甘草末各二兩又會一七仍搗仍會滿七次取出捏餅晒乾用如無鮮者用乾者水又方五倍子一觔生糯米一兩滾水浸過漬為之細茶一兩上石共研末入罐內封固

六月要一七

又方

五倍子一觔研末酒麴半觔細茶取開配合用一把研末石用小蓼汁調勻入鉢

中按紫上以長稻草封固另用籬一箇多著稻草將藥鉢坐草中上以稻草蓋置淨處過一七後看藥上長起長霜藥則已成矣或捏作丸或作餅晒乾纔可收用

氣味酸鹹微甘無毒

主治清肺化痰定嗽解熱生津止渴收濕消酒烏翳

髮止下血久痢脫肛牙齒宣齲面鼻瘡蝕口舌糜爛

風濕諸瘡

時珍

發明

時珍曰百藥煎功與五倍子不異但經釀造其體輕虛其性浮收且味帶餘甘治上焦心肺欬

嗽痰飲熱渴諸病

含嚙尤為相宜

附方

新二

欽肺劫嗽

百藥煎訶黎勒荆芥穗等分為末薑汁入蜜和丸芡子大時時

噲之丹

定嗽化痰

百藥煎片黃芩橘紅甘草各等分共為細末蒸餅丸芡子大時時乾

瀕湖醫案

清氣化痰

百藥煎細茶各一兩荆芥穗五錢海螵蛸一錢蜜丸芡子

大每服噲一丸

染烏鬚髮

川百藥煎一兩鐵砂醋炒蕎麥麴各半兩先洗鬚髮

以荷葉熬醋調刷荷葉包一夜洗去即黑妙

沐髮除腫

百藥煎末乾搽髮上一夜

同之指牙烏鬚

川百藥煎半兩玄胡索三錢雄黃三錢為末先以薑擦去涎用此指牙以

津洗目日日用

牙痛引頭上

風熱牙痛

百藥煎泡湯噲漱

之甚佳

普濟

百藥煎五倍子青鹽煨各一錢半銅綠一錢為末日搽二三次神效

聖濟牙齦疳蝕

普濟



濟煉眉瘡癬

小兒面湮瘡又名鍊銀瘡乃母受胎時食酸辣邪物所致用百藥煎五錢生白

礬二錢為末油調搽之外科精義

脚肚生瘡

初起如粟米大搔之不成片包脚相交黃水

出痒不可忍久成痼疾用百藥煎末唾調逐瘡四圍塗之自外入內先以貫衆煎湯洗之日一次 醫林

集要乳結硬痛

百藥煎末每服三錢酒一盞煎數沸服之取效 經驗方

腸癰內痛

大棗連核燒存性百藥煎等分為末每服一錢溫酒服日一取效直指方

大腸便血

百藥煎

芥穗燒存性等分為末糊丸梧子大每服五十丸米飲下 聖惠方

腸風下血

百藥煎二兩半

生用半炒存性為末飯丸梧子大每服五十丸米飲下名聖金丸 王璆百一選方

大腸氣痔

作痛下血百藥煎末每服三錢稀粥調服日二次 集簡

腸風臟毒

下血者用百藥煎燒存性

烏梅連核燒過白芷不見火為末水糊丸  
如梧子大每服七十丸米飲下 濟生 酒痢下血

百藥煎五倍子陳槐花等分焙研末酒糊丸  
梧子大每服五十丸米飲送下 本事方 下痢脫

肛 百藥煎一塊陳白梅三箇木瓜一握以  
水一碗煎半碗日二服 聖濟總錄 男婦血淋

用真百藥煎車前子炒黃連各三錢半木香二錢滑  
石一錢為末空心燈草湯服二錢日二服 普濟方

消暑止渴 百藥煎蠟茶等分為末烏梅肉搗和丸  
芡子大每含一丸名水瓢丸事林廣記

五倍子內蟲主治赤眼爛弦同爐甘石末乳細點之

時珍

螳螂桑螵蛸

本經上品

釋名螻蛄

音當郎

刀螻

網目

拒斧

說文

不過

爾雅

蝕脫

音尤

其子

房名螬蛸

音飄蛸

蜉蝣

音皮

螬蛸

音焦

致神

別錄

野狐

鼻涕

頌曰爾雅云莫蚘螬蟻蟻不過螬螬也其子蜉蝣郭璞云江東呼為石螬時珍曰螬螬兩臂如斧當轍不避故得當郎之名俗呼為刀螬螬人謂之拒斧又呼不過也代人謂之天馬因其首如驢馬也燕趙之間謂之蝕脫脫即疣子小肉贅也今人病脫者往往捕此食之其來有自矣其子房名螬蛸者其狀輕飄如蛸也村人每炙焦飼小兒云止夜尿則螬蛸致神之名蓋取諸此酉陽雜俎謂之野狐鼻涕象形也又楊雄方言云螬螬或謂之髡或謂之羊匕齊竟以東謂之數常螬蛸亦名夷冒

集解

弘景曰螬螬俗名石螬達樹便產以桑上者為好是兼得桑皮之津氣也惟連枝斷取者為真

偽者亦以膠著桑枝之上也保昇曰螳螂在處有之  
螳螂卵也多在小桑樹上叢荆棘間三四月中一枝  
出小螳螂數百枚時珍曰螳螂驤首奮臂修頸大腹  
二手四足善緣而捷以鬚代鼻喜食人髮能翳葉捕  
蟬或云術家取翳作法可以引形深秋乳子作房粘  
著枝上即螳螂也房長寸許大如拇指其內重重有  
隔房每房有子如蛆卵至芒種節後  
一齊出故月令有云仲夏螳螂生也

修治

別錄曰桑螵蛸生桑枝上螳螂子也二月三月  
采蒸過火炙用不爾令人洩穀曰凡使勿用雜

樹上生者名螺蛸須覓桑樹東畔枝上者采得去核  
子用沸漿水浸淘七次鍋中熬乾用別作修事無效  
也韓保昇曰三四月采得以熱漿水  
浸一伏時焙乾於柳木灰中炮黃用

螳螂主治小兒急驚風搐搦又出箭鏃生者能食疣

目時珍

發明

時珍曰螳螂古方不見用者惟普濟方治驚風

風藥多用螳螂則螳螂治風同一理也又醫林集要出箭鏃亦用之

附方

新驚風定搐

中分散用螳螂一箇蜥蜴一條赤足蜈蚣一條各中分之隨左右研

末記定男用左女用右每以一字吹鼻內搐之吹左即左定吹右即右定也

普濟

箭鏃入肉

不可拔者用螳螂一箇巴豆半箇同研傳傷處微痒且忍極痒乃撼拔之以黃連貫

衆湯洗拭石灰傳之

桑螵蛸氣味鹹甘平毒

之才曰得龍骨療洩精畏旋覆花戴椹

主治傷中疝瘕陰痿益精生子女子血閉腰痛通五

淋利小便小道

本經

療男子虛損五臟氣微夢寐失精

遺溺久服益氣養神

別錄

炮熟空心食之止小便利

甄權

發明

時珍曰桑螵蛸肝腎命門藥也古方盛用之權曰男子身衰精自出及虛而小便利者加而用

之頌曰古方漏精及風藥中多用之宗奭曰男女虛損腎衰陰痿夢中失精遺溺白濁疝瘕不可闕也隣家一男子小便日數十次如稠米泔心神恍惚瘦瘁食減得之女勞食服桑螵蛸散藥未終一劑而愈其藥安神定心志治健忘補心氣止小便數用桑螵蛸遠志龍骨菖蒲人參茯神當歸龜甲醋炙各一兩為末臥時人參湯調下二錢如無桑上者即用他樹者以炙桑白皮佐之桑白皮行水以接螵蛸就腎經

也

附方

舊三新七

遺精白濁

盜汗虛勞桑螵蛸炙白龍骨等分為細末每服二錢空心用鹽

湯送下

小便不通

桑螵蛸炙黃三十枚黃芩外臺小水煎分二服聖惠婦人胞

轉

小便不通用桑螵蛸炙為末飲服方寸七日用二產書婦人遺尿

桑螵蛸酒炒為末薑

湯服

二錢妊娠遺尿

不禁桑螵蛸十二枚為末千金翼分二服米飲下產乳書產後

遺尿

或尿數桑螵蛸炙半兩龍骨一兩為末每米飲服二錢徐氏胎產方

咽喉腫塞

桑上螳螂窠一兩燒灰馬尾勃半兩丸梧子大煎犀角湯每服三五丸

總病論咽喉骨

硬

桑螵蛸醋煎呷之經驗良方

底耳疼痛

桑螵蛸一箇燒存性麝香一字研末每用半字

慘入神效有膿先  
繳淨經驗方

小兒軟癰  
桑螵蛸燒存性研末  
油調傅之危氏方

雀甕

本經  
下品

釋名雀兒飯甕

蜀本

站蜥房

別錄音  
蜥斯

蚝蟲窠

音躁舍

本經

天漿子

圖經

棘剛子

衍義

紅姑娘

綱目

毛蟲

藏器曰毛蟲作  
繭形如甕故名

雀甕俗呼雀癰聲相近也保昇曰雀好食其甕中子  
故俗呼雀兒飯甕弘景曰站蜥背毛螫人故名蚝音  
刺與哉同時珍曰俗呼毛蟲又名楊癩子因有螫毒  
也此蟲多生石榴樹上故名天漿天漿乃甜榴之名

也宗奭曰多在棘  
枝上故曰棘剛子

集解

別錄曰雀甕出漢中生樹枝間站蜥房也八月  
采蒸之弘景曰站蜥蚝蟲也在石榴樹上其背



毛螫人生卵形如雞子大如巴豆藏器曰虵蟲好在果樹上大小如蠶身面背上有五色斑毛有毒能刺螫人欲老者口中吐白汁凝聚漸硬正如雀卵其蟲以麤為繭在中成蛹如蠶之在繭也夏月羽化而出作蛾放子於葉間如蠶子陶言其生卵如鷄子誤矣恭曰雀麤在樹間似蝶蛸蟲此物紫白襴斑狀似碑礪文可愛也時珍曰蛄蜥處處樹上有之牡丹上尤多入藥惟取榴棘上房內有蛹者正如蝶蛸取桑上者

氣味甘平無毒

日華曰  
有毒

主治寒熱結氣蠱毒鬼疰小兒驚癇

本經

頌曰今

驚用天漿子有蟲者曰殭蠶乾螫三物各三枚微炒搗末煎麻黃湯調服一字日三服如減大有效也藏

器曰雀甕打破取汁與小兒飲令無疾小兒病撮口者漸漸口撮不得飲乳但先磨口傍見血以甕研汁塗之或同鼠婦生搗塗之今人產子時凡諸物皆令開口不令閉者蓋厭禳之也

附方

新

撮口噤風

用棘科上雀兒飯甕子末開口者取內物和乳汁研灌之又方棘

剛子五枚赤足蜈蚣一條燒存性研勻飯丸麻子小大每服三五丸乳汁下亦可末服一字 普聖惠小

兒臍風

白龍骨用天漿子有虫者一枚真殭蠶炒一枚臍粉少許研勻以薄荷自然汁調灌之取

下毒物神效 聖惠

急慢驚風

口眼喎斜搗瘈瘲盛用天漿子房去皮生用三枚乾蠶生用七

枚硃砂一錢研勻飲丸粟大每乳蛾喉痺用天漿子服二丸荊芥湯送下 聖惠方

徐徐

小兒癰疾

棘枝上雀甕研其間蟲出取汁灌之 聖惠方

蠶

本品經

校正

拾遺烏爛蠶及繭鹵汁  
嘉祐蠶蛻今併為一

釋名自死者名白殭蠶

時珍曰蠶從替象其頭身之形從虫以其繁也俗作蠶字

者非矣蚕音腴蛭蛭之名也蠶病風死其色自白故曰白殭死而不朽曰殭再養者曰原蠶蠶之屎曰沙皮曰蛻蛻曰繭蛹曰蛻音龜蛾曰羅卵曰蛻音兌蠶初出曰沙音苗蠶紙曰連

集解

時珍曰蠶字絲蟲也種類甚多有大小白烏斑色之異其蟲屬陽喜燥惡濕食而不飲三眠三

起二十七日而老自卵出而為沙自沙蛻而為蠶蠶而繭繭而蛹蛹而蠶蠶而卵卵而復沙亦有胎生者與母同老蓋神蟲也南粵有三眠四眠兩生七出八出者其繭有黃白二色爾雅云蠶桑繭也雖由樗繭也蛻繭繭也棘繭樂繭皆各因所食之葉命名而蠶即今桑上野蠶也今之柘蠶與桑蠶並育即棘繭是

也南海橫州有風蘭絲作釣緡凡諸草木皆有蛇蝎之類食葉吐絲不如蠶絲可以衣被天下故莫得並稱凡蠶類入藥俱用食桑者

白蠶蠶修治

別錄曰生潁川平澤四月取自死者勿令中濕有毒不可用弘景曰人家養蠶

時有合箔皆蠶者即暴燥都不壞今見小白似有鹽度者恭曰蠶自蠶死其色自白云有鹽度誤矣頌曰所在養蠶處有之不拘早晚但用白色而條直食桑葉者佳用時去絲綿及子炒過宗奭曰蠶有兩三番惟頭番蠶蠶最佳大而無蛆歟曰凡使先以糯米泔浸一日待蠶桑涎出如蝎涎浮水上然後灑出微火焙乾以布拭淨黃肉毛并黑口甲了搗篩如粉入藥

氣味鹹辛平無毒

甄權曰微溫有小毒惡桑螵蛸桔梗茯苓茯神草薺

主治小兒驚癇夜啼去三蟲滅黑黯令人面色好男

子陰癢病

經本

女子崩中赤白產後腹痛滅諸瘡癰痕

為末封丁腫拔根極效

別錄

治口噤發汗同白魚鷹屎

白等分治瘡滅痕

藥性

以七枚為末酒服治中風失音

并一切風疰小兒客忤男子陰癢痛女子帶下

日焙

研薑汁調灌治中風喉痺欲絕下喉立愈

蘇頌

散風痰

結核瘰癧頭風風蟲齒痛皮膚風瘡丹毒作癢痰瘡

癰結婦人乳汁不通崩中下血小兒疳蝕鱗體一切

# 金瘡疔腫風痔

時珍

發明

元素曰：蠶性微溫，味微辛，氣味俱薄，輕浮而升，陽中之陽，故能去皮膚諸風，如蟲行震亨曰：

蠶屬火，兼土，與金木老得金氣，蠶而不化，治喉痺者，取其清化之氣，從治相火散濁逆結滯之痰也。王

貺曰：凡咽喉腫痛及喉痺，用此下咽，立愈，無不效也。大能救人，吳升內翰云：屢用得效，時珍曰：蠶蠶之

病風者也，治風化痰散結，行經所謂因其氣相感而

以意使之者也。又人指甲軟薄者，用此燒烟熏之，則厚，亦是此義。蓋厥陰陽明之藥，故又治諸血病瘡病疳病也。

附方

舊十五  
新十九

一切風痰

白蠶蠶七個，直者，細研，小兒薑汁調灌之。勝金方。

驚風

白蠶蠶紫稍等，分天雄尖、附子尖各一錢，微炮，為末，每服一字，或半錢，以薑湯調灌之，甚效。

冠氏 風痰喘嗽 夜不能臥 白蠶蠶炒研好茶末各一  
衍義 兩為末 每用五錢 臥時 泡沸湯服

瑞竹 酒後咳嗽 白蠶蠶焙研末 每茶  
堂方 服一錢 怪證奇方 喉風喉痺 仁存

散用 白蠶蠶炒白礬半生半燒等分為末 每以一錢  
用自然薑汁調灌得吐 頑痰立效 小兒加薄荷生薑

少許同調 一方用白梅肉和丸 綿裹含之 嚙汁也  
朱氏集驗 用白蠶蠶炒半兩 生甘草一錢 為末 薑汁

調服 涎出立愈 聖惠用白蠶蠶三七枚 乳香  
一分為末 每以一錢 燒烟熏入喉中 涎出即愈 急喉

風痺 王氏博濟 如聖散 用白蠶蠶天南星等分 生研  
為末 每服一字 薑汁調灌 涎出即愈 後以生薑

炙過含之 百撮口噤風 面黃赤 氣喘啼聲不出 由  
一選方 無南星 撮口噤風 胎氣挾熱 流毒心脾 故令

舌強唇青 聚口發紫 用白蠶蠶二枚 去嘴  
畧炒為末 蜜調 傳唇中甚效 聖惠方 大頭風小

兒驚風

並用大蒜七箇先燒紅地以蒜逐箇於地上磨成膏却以蠶蠶一兩去頭足安蒜上梳覆

一夜勿令洩氣只取蠶研末每用

普濟方

偏正頭風

并夾頭

太陽穴痛聖惠方用白蠶蠶為末蔥茶調服方寸匕

錢臨以時茶

卒然頭痛

白蠶蠶為末每用熟水服日二服

疼痛

白蠶蠶直者生薑同炒赤黃色去薑為末以皂角水調擦之即止

普濟風蟲牙痛

白直蠶蠶炒蠶蛻紙燒等分為末擦之良久以鹽湯漱口

直指方

瘡疾不止

白直蠶蠶直者生薑同炒赤黃色去薑為末以皂角水調擦之即止

龜病

普濟方詩云人間龜病不堪言肚裏生成硬似磚自死蠶蠶白馬尿不過時刻軟如綿神效



面上黑黯

白殭蠶末水和粉滓面點  
白殭蠶黑牽牛

細研等分為末如澡  
斗門方癰癰風瘡  
疼痛白殭蠶焙研酒

野火丹毒

從背上兩脇起者殭蠶二七枚  
和慎火草搗塗  
楊氏產乳  
小兒鱗體

皮膚如蛇皮鱗甲之狀由氣血否滯亦曰胎垢又曰  
蛇體白殭蠶去嘴為末煎湯浴之一加蛇蛻  
保幼

大小兒久疳  
體虛不食諸病後天柱骨倒腎者不識

半錢薄荷酒下名  
小兒口瘡  
通白者白殭蠶炒黃拭

之立效  
風疳蝕瘡  
同上  
項上瘰癧  
白殭蠶為末水服

外臺  
風痔腫痛  
發歇不定者是也白殭蠶二兩洗剉

薑蜜湯空心中五一切金瘡及刀斧傷白蠟蠶炒黃  
凡妙勝金子

乳汁不通白蠟蠶末二錢酒服少頃以脂麻茶一盞  
投之梳頭數十遍奶汁如泉也經驗方

崩中下血不止用白蠟蠶衣中白魚等分重舌木舌  
為末并華水服之日二千金

蠟蠶為末吹之吐痰甚妙一方蠟蠶一錢黃連腸  
蜜炒二錢為末慘之涎出為妙陸氏積德方

風下血蠟蠶炒去嘴足烏梅肉焙各一兩為末米糊  
丸梧子大每服百丸食前白湯下一日三服

雜興方

烏爛死蠶恰氣味有小毒藏器曰此在  
錢上烏臭者

主治蝕瘡有根者及外野雞病並傳之白死者主白

遊癰赤死者主赤遊癰

藏器

蠶蛹

瑞曰繅絲後蛹子今人食之呼小蜂兒思邈曰獾犬噬者終身忘食發則難免

主治炒食治風及勞瘦研傳瘍瘡惡瘡

大為末飲服明

治小兒疳瘦長肌退熱除虵蟲煎汁飲止消渴

時珍

附方

新

一消渴煩亂

蠶蛹二兩以無灰酒一中盞水一大盞同煮一中盞溫服聖惠方

繭鹵汁

藏器曰此是繭中蛹汁非鹹鹵也於繭窠下收之

主治百蟲入肉蟲蝕瘡疥及牛馬蟲瘡為湯浴小兒

瘡疥殺蟲以竹筒盛之浸山蛭山蛭入肉蚊子諸蟲

咬毒亦可預帶一筒取一蛭入中并持乾海苔一片

亦辟諸蛭

藏器

發明

藏器曰蘇恭註蛭云山山人自有療法蓋此法也時珍曰山蛭見蛭條山蛭音余蜘蛛也雷人甚

毒

蠶繭

已出蛾者

氣味甘溫無毒

主治燒灰酒服治癰腫無頭次日即破又療諸疔瘡

及下血血淋血崩煮汁飲止消渴反胃除蛇蟲

時珍曰

弘景曰繭

變入術用

發明

時珍曰蠶繭方書多用而諸家本草並不言及誠缺文也近世用治癰疽代鍼用一枚即出一

頭二枚即出二頭神效無比煮湯治消渴古方甚稱之丹溪朱氏言此物屬火有陰之用能瀉膀胱中相

火引清氣上朝於口故能止渴也繅絲湯及絲綿煮汁功並相同又黃絲絹能補腠錦灰止血並見服器部

附方

新

五痘瘡

膿水不絕用出了蠶蛾繭以生白礬末填滿煅枯為末擦之甚效

陳文中

口舌生瘡

蠶繭五箇包蓬砂瓦上焙焦為末抹之

大小便血

黃

散治腸風大小便血淋瀝疼痛用蠶黃蠶蛻紙並燒存性晚蠶沙白殭蠶並炒等分為末入麝香少許每

服二錢用米飲送下日三服甚效聖惠方

婦人血崩

方法同上

反胃吐食

蠶繭

十箇煮汁煮雞子三枚食之以無灰酒下日二服神效或以綠絲湯煮粟米粥食之惠濟方

蠶蛻釋名馬明退

嘉祐佛退

氣味甘平無毒主治血病益婦人

嘉祐婦人血風

宗奭治

目中翳障及疔瘡

時珍

蠶連主治吐血鼻洪腸風瀉血崩中帶下赤白痢傳

疔腫瘡

日華

治婦人血露

宗奭

牙宣牙痛牙癰牙疳頭瘡

喉痺風癩狂祟蟲毒藥毒沙證腹痛小便淋瀝婦人

難產及吹乳疼痛

時珍

發明

禹錫曰蠶蛻今醫家多用初出蠶子殼在紙上者東方諸醫用老蠶眠起所蛻皮功用相近當

以蛻皮為正入藥微炒用宗奭曰蠶蛻當用眠起時所蛻皮蠶連燒灰亦可用時珍曰馬明退蠶連紙功用相同亦如蟬蛻蛇蛻之義但古方多用蠶紙者因其易得耳

附方

舊四新十五

吐血不止

蠶蛻紙燒存性蜜和丸灸實大含化燕津集驗

牙宣

牙癰

反口瘡並用蠶蛻紙燒灰乾傅之

集驗

風蟲牙痛

蠶紙燒灰擦之良久鹽湯漱口

直

走馬牙疳

集驗

用蠶蛻紙灰入麝香少許貼之直指加白殭蠶等分

一切

疳瘡

馬明退燒灰三錢輕粉乳香少許先以溫漿水洗淨傅之

儒門事親小兒頭瘡

蠶蛻紙燒存性入輕粉少許麻油調傅

聖惠

纏喉風疾

用蠶蛻紙燒存性煉蜜和丸如芡實

大含化

燕耳治聾

蠶蛻紙作然入麝香二錢入

筆筒燒烟熏之三次即開癰

狂邪崇

凡狂發欲走或自高貴稱神或悲泣呻吟此為邪崇以蠶紙燒灰酒水任下方寸匕亦治

風癰

沙證壯熱

江南有沙證狀如傷寒頭痛壯熱嘔惡手足指末微厥或腹痛悶亂

肘後方

須臾殺人先用蠶蛻紙剪碎安于瓷中以磔蓋之滾湯沃之封固良久乘熱服暖臥取汗活人書中

蠶藥毒

雖面青脈絕腹脹吐血者服之即活用蠶蛻紙燒存性為末新汲水服一錢嶺南衛生

方中諸藥毒

用蠶紙數張燒灰冷水服衛生易簡方小便澀痛不通用

燒存性入麝香少許米飲熱淋如血蠶種燒灰入麝香每服二錢王氏博濟方熱淋如血蠶種燒灰入麝香

錢極效方也

崩中不止

蠶故紙一張剪碎炒焦槐子炒黃各等分為末酒服立愈

衛生家寶

衛生吹奶疼痛馬明退燒灰一錢五分輕粉五婦易簡方分麝香少許酒服儒門事親



人難產

蠶布袋一張蛻蛻一條入新瓦中以鹽婦人泥固煨為末以榆白皮湯調服 集成

斷產

蠶子故紙一尺燒為末酒服終身不產 千金 痔漏下血 蠶紙半張碗內燒灰酒服

自除 奚

囊備急方

縹絲湯主治止消渴大驗時珍

原蠶

別錄中品

釋名晚蠶

日華魏蠶言夏蠶廣志 熱蠶 弘景曰原蠶是重

字彙曰原者有原復敏速之義此是第二番蠶也時珍曰按鄭玄註周禮云原再也謂再養者郭璞註方

言云魏細也秦晉人所呼今轉為二蠶是矣永嘉記云郡蠶自三月至十月有八輩謂蠶種為蛻再養為

珍珍子  
為愛子

集解

頌曰原蠶東南州郡多養之此是重養者俗呼為晚蠶北人不甚養之周禮禁原蠶鄭康成註

云蠶生于火而藏于秋與馬同氣物莫能兩大禁原蠶為其害馬也然害馬亦一事耳淮南子云原蠶一歲再收非不利也而王法禁之者為其殘桑是也人既稀養貨者多是早蠶不可用也弘景曰蠶為末塗馬齒即不能食草以桑葉拭去乃還食此見蠶即馬類也時珍曰馬與龍同氣故有龍馬而蠶又與馬同氣故蠶有龍頭馬頭者蜀人謂蠶之先為馬頭娘者以此好事者因附會其說以為馬皮卷女入桑化蠶繆矣北人重馬故禁之南方無馬則有一歲至再至三及七出入者矣然先王仁愛及物蓋不忍其一歲再致湯鑊且妨農事亦不獨專為害馬殘桑而已

雄原蠶蛾氣味鹹溫有小毒

時珍曰按徐之才藥對云熱無毒入藥炒去翅

足用

主治益精氣強陰道交接不倦亦止精

別錄

壯陽事止

泄精尿血暖水臟治暴風金瘡凍瘡湯火瘡滅癰痕

時珍

發明

宗奭曰蠶蛾用第二番取其敏於生育也時珍曰蠶蛾性淫出繭即媾至於枯槁乃已故強陰

益精用之

正誤

頌曰今治小兒撮口及發噤者用晚蠶蠶二枚炙黃研末蜜和塗唇內便瘥時珍曰此方出聖

惠乃是白僵蠶蘇氏引作蠶蠶誤矣蠶蠶原無治驚之文今正之

附方

舊二新八

丈夫陰痿

未連蠶蠶二升去頭翅足炒為末蜜丸梧子大每夜服一丸可

御十室以菖蒲酒止之千金方

遺精白濁

晚蠶蠶焙乾去翅足為末飯丸菜豆大每服四

十丸淡鹽湯下此丸常以火烘否則易傷濕也唐氏方

血淋疼痛

晚蠶蠶為末熱酒服一錢

聖惠方小兒口瘡

及風疳瘡官氣方用晚蠶蠶為末貼之妙普濟方治小兒口瘡及百日

內口瘡入麝香少許慘之

止血生肌

蠶蠶散治刀斧傷創血出如箭用晚蠶蠶炒為末傅之即

止甚效勝金方刀斧金瘡

端午午時取晚蠶蠶石灰茅花搗成團草蓋令發熱過收貯每用刮

下末慘之竹刺入肉

五月五日取晚蠶蠶生投竹筒中令自乾死為末取少許津和塗之便

民圖纂

蛇虺咬傷

生蠶蠶研傅之必效方

玉枕生瘡

生枕骨上如癰破後如筋

頭用原蠶蠶炒石韋等分  
為末乾貼取瘡聖濟總錄

原蠶沙

頌曰蠶沙蠶蠶皆用晚出者良時珍曰  
蠶沙用晒乾淘淨再晒可久收不壞

氣味甘辛溫無毒

時珍曰伏硃砂焰硝粉霜

主治腸鳴熱中消渴風痺癰瘰

別錄

炒黃袋盛浸酒去

風緩諸節不隨皮膚頑痺腹內宿冷冷血瘀血腰脚

冷疼炒熱袋盛熨偏風筋骨癱緩手足不隨腰脚軟

皮膚頑痺

藏器

治消渴癥結及婦人血崩頭風風赤眼

去風除濕

時珍

發明

弘景曰蠶沙多入諸方不但熨風而已宗奭曰蠶屎飼牛可以代穀用三升醇酒拌蠶沙五斗

甑蒸於暖室中鋪油單上令患風冷氣痺及近感癰風人就以患處一邊臥沙上厚蓋取汗若虛人須防大熱昏悶令露頭面若未全愈間日再作時珍曰蠶屬火其性燥燥能勝風去濕故蠶沙主療風濕之病有人病風痺用此熨法得效按陳氏經驗方一抹膏治爛弦風眼以真麻油浸蠶沙二三宿研細以篦子塗患處不問新舊隔宿即愈表兄盧少樊患此用之而愈親筆于冊也時珍家一婢病此十餘年試用之二三次頓瘳其功亦在去風收濕也又同桑柴灰淋汁煮蠶肉作丸治腹中癥結見蠶條李九華云蠶沙煮酒色味清美又能療疾

附方

新四

半身不遂

蠶沙二碩以二袋盛之蒸熟更互熨患處仍以羊肚糲米煮粥

日食一枚  
十日即止

風瘙癢癰

作痒成瘡用蠶沙一升水五斗煮取一斗二升去滓洗浴避風

聖方  
頭風白屑

作瘰蠶沙燒灰淋汁洗之聖惠方

眯目不出

蠶沙揀淨空心

以新汲水吞下十枚勿嚼破

聖惠消渴飲水

晚蠶沙焙乾為末每用冷水下二錢不過數服

斗方  
婦人血崩

蠶沙為末酒服三錢五錢儒門事親

月經久閉

蠶沙四兩砂鍋

炒半黃色入無灰酒一壺煮沸澄去沙每溫服一盞即通

轉女為男

婦人始覺有孕用原蠶屎

一枚并華水服之日三

千金跌撲傷損

扭閃出骨竅等證蠶沙四兩炒黃

枯礬二兩四錢為末醋調傅之絹包縛定換三四次即愈忌產婦近之

邵真人經驗良方  
男婦

心痛

不可忍者晚蠶沙一兩滾湯泡通  
濾淨取清水服即止 瑞竹堂方

石蠶

本經下品

校正

併入有名未用石蠶蟲

釋名沙蟲

本經

石蠶蟲

別錄

石下新

拾遺

弘景曰沙蟲

入水浴着身畧不可見痛如鍼刺挑亦得之今此或  
名同而物異耳時珍曰按吳普本草沙蟲作沙蟻

集解

經曰石蠶生江漢池澤宗奭曰石蠶在處山河  
中多有之附生水中石上作絲蛭如釵股長寸

許以蔽其身其色如泥蠶在其中故謂之石蠶亦水  
中蟲耳方家用者絕稀別錄曰石蠶蟲生石中藏器

曰石蠶蟲一名石下新今伊洛間水底石下有之狀  
如蠶解放絲連綴小石如蛭春夏羽化作小蠶水上

飛時珍曰本經石蠶別錄石蠶今觀陳冠二說及主  
治功用蓋是一物無疑矣又石類亦有石蠶蟲與此



不 同

正誤

弘景曰李當之云石蠶江左不識謂為草根其實類蟲形如老蠶生附石上倉人得而食之味

鹹微辛所言有理但江漢非倉地大都是生氣物如海中蛤蠣輩附石生不動皆活物也今俗用草根黑色多角節亦似蠶恐未是實方家不用恭曰石蠶形似蠶細小有角節青黑色生江漢側石穴中岐隴間亦有北人多不用采者遂絕耳韓保昇曰李謂是草根陶謂是生氣物蘇恭之說半似草半似蟲皆妄矣此蟲所在水石間有之取為鉤餌馬湖石門最多彼人啖之云鹹微辛頌曰石蠶陶蘇都無定論蜀本之說為是今川廣中多有之其草根之似蠶者亦名石蠶出福州今信州山石上四時常有之亦采入藥詳見采部草

石蠶下

附錄雲師雨虎

時珍曰按遁甲開山圖云霍山有雲師雨虎榮氏註云雲師如蠶長六寸

有毛似兔雨虎如蠶長七八寸似蛙雲雨則出在石內可炙食之此亦石蠶之類也

氣味鹹寒有寒

保昇曰鹹微辛吳普曰雷公鹹無毒

主治五癰破石淋墮胎其肉解結氣利水道除熱

經本

石蠹蟲主石癰小便不利

別錄

發明

宗奭曰石蠹謂之草者謬也經言肉解結氣註中更不辨定何耶時珍曰石蠹連皮殼用也肉

則去皮殼也

九香蟲

綱目

釋名黑兜蟲

集解

時珍曰九香虫產于貴州永寧衛赤水河中大如小指頭狀如水龜身青黑色至冬伏于水下

土人多取之以充人事至驚蟄後即飛出不可用矣

氣味鹹溫無毒

主治膈脘滯氣脾腎虧損壯元陽

時珍

發明

時珍曰攝生方烏龍丸治上證久服益人四川何卿總兵常服有效其方用九香蟲一兩半生

焙車前子微炒陳橘皮各四錢白朮焙五錢杜仲酥炙八錢右為末煉蜜丸梧桐子大每服一錢五分以

鹽白湯或鹽酒服早晚各一服此方妙在此蟲

海蠶藥

集解

李珣曰按南州記云海蠶生南海山石間狀如蠶大如拇指其沙甚白如玉粉狀每有節難得

真者彼人以水搜葛粉石灰以梳齒印成偽充之縱服無益反能損人宜慎之

沙氣味鹹大溫無毒

主治虛勞冷氣諸風不遂久服補虛羸令人光澤輕

身延年不老

李珣

雪蠶

綱目

釋名雪蛆

集解

時珍曰按葉子奇草木子云雪蠶生陰山以北及峨嵋山北人謂之雪蛆二山積雪歷世不消

其中生此大如瓢味極甘美又王子年拾遺記云員嶠之山有水蠶長六七寸黑色有鱗角以霜雪覆之則作繭長一尺抽五色絲織為文錦入水不濡投火不燎堯時海人獻之其質輕暖柔滑按此亦雪蠶之類也

氣味甘寒無毒

主治解內熱渴疾

時珍

枸杞蟲

拾遺

釋名蠋

爾雅

集解

藏器曰此蟲生枸杞上食枸杞葉狀如蠶作繭為蛹時取之曝乾收用時珍曰此爾雅所謂蛻

烏蠅也其狀如蠶亦有五色者老則作繭化蛾孚子諸草木皆有之亦各隨所食草木之性故廣志云藿

蠅香槐  
蠅臭

氣味鹹溫無毒主治益陽道令人悅澤有子灸黃和

地黃末為丸服之大起陽益精

藏器

治腎家風虛

時珍  
普

濟方

懷香蟲

綱目

集解

時珍曰生懷香枝葉中狀如尺蠖青色

主治小腸疝氣

時珍



本草綱目卷三十九



欽定四庫全書

子部  
本草綱目卷四十

詳校官太醫院恩糧<sub>臣</sub>孔毓秀

編修<sub>臣</sub>倉聖脈覆勘

總校官庶吉士<sub>臣</sub>何思鈞

校對官中書<sub>臣</sub>葉 葵

謄錄監生<sub>臣</sub>高應龍

欽定四庫全書

本草綱目卷四十目錄

蟲之二

卵生類下二十二種

青蚨拾遺

蛺蝶綱目

蜻蛉別錄  
即蜻蛉

鷹雞本經  
紅娘子即

棗貓綱目

斑蝥 本經

光青 別錄

葛上亭長 別錄

地膽 本經

蜘蛛 別錄

草蜘蛛 拾遺

壁錢 拾遺

室當 拾遺 即  
土蜘蛛

鑿開寶

水蛭本經

蟻綱目  
白蟻附

青腰蟲拾遺

蛆綱目

蠅綱目

狗蠅綱目  
壁蠅附

牛蟲綱目

人蟲

右附方舊二十新八十一

本草綱目卷四十目錄

欽定四庫全書

本草綱目卷四十

明 李時珍 撰

蟲之二

卯生類下  
二十二種

青蚨 拾遺

釋名 蚨蟬

螭蝸

音謀 瓜

蝮蝸

音敦 偶

蒲蟲

音萌

魚父

魚伯

集解

藏器曰

青蚨生

南海狀

如蟬其子

著木取以塗

錢有歸本

處搜神記

云南方有蟲名

蝮蝸形大

如蟬

來雖潛取之

亦知其處

殺其母塗錢

以子塗貫用錢

如蟬其子

著木取以塗

錢有歸本

處搜神記

云南方有蟲

名蝮蝸形大

如蟬其子

去則自還淮南子萬畢術云青蚨還錢高誘註云青蚨一名魚父魚伯以其子母各等置甕中埋東行垣下三日開之即相從以母血塗入十一錢子血塗入十一錢留子用母留母用子皆自還也李恂曰按異物志言蠟蝟生南海諸山雄雌常處不相捨青金色人采得以法末之用塗錢以貨易于人晝用夜歸又能秘精縮小便亦人間難得之物也時珍曰按異物志云青蚨形如蟬而長其子如蠟子著草葉上得其子則母飛來煎食甚辛而美峻嶺神書云青蚨一名蒲蟲似小蟬大如蟲青色有光生于池澤多集蒲葉上春生子于蒲上八八為行或九九為行如大蠶子而圓取其母血及火炙子血塗錢市物仍自還歸用之無窮誠仙術也其說俱彷彿但藏器云子著木上稍有不同而許氏說文亦曰青蚨水蟲也蓋水蟲而產子於草木爾

附錄龐降

時珍曰按劉恂嶺表錄異云龐降生子嶺南多在橄欖樹上形如蛭蟬腹青而薄其

名自呼但聞其聲而鮮能得之人以善價求為媚藥  
按此形狀似蟬可為媚藥與李珣海藥青蚨雌雄不

捨秘精之說相符恐亦  
青蚨之類在木上者也

氣味辛溫無毒

主治補中益陽道去冷氣令人悅澤藏器秘精縮小便

藥普

蛭蝶

綱目

釋名蛭蝶

蛭音

蛭蝶

時珍曰蛭蝶輕薄夾翅而飛果

蛭美於鬚

蛭美於眉故



又名蝴蝶俗  
謂鬚為胡也

集解

時珍曰蝶蛾類也大曰蝶小曰蠶其種甚繁皆四翅有粉好嗅花香以鬚代鼻其交以鼻交則

粉退古今註謂橋蠹花蝶爾雅翼謂菜蟲花蝶列子謂鳥足之葉花蝶埤雅謂蔬菜花蝶酉陽雜俎謂百

合花化蝶比戶錄謂樹葉化蝶如丹青野史謂綵裙化蝶皆各據其所見者而言爾蓋不知蠹蠅諸蟲至

老俱各蛻而為蝶為蠶如蠶之必羽化也朽衣物亦必生蟲而化草木花葉之化者乃氣化風化也其色

亦各隨其蟲所食花葉及所化之物色而然楊慎丹鉛錄云有草蝶水蝶在水中嶺南異物志載有人浮

南海見蛺蝶大如蒲帆稱肉得八十斤噉之極肥美

氣味微寒無毒

主治小兒脫肛陰乾為未唾調半錢塗手心以瘥為

度

時珍

發明

時珍曰蝴蝶古方無用者惟普濟方載此方治脫肛亦不知用何等蝶也

蜻蛉

別錄下品

釋名蜻蛉

音丁蜻蛉

亦作

灯蛭

音罄

負勞

爾雅

忽

音諸

乘弘

紗羊

綱目

赤者名赤卒

時珍曰

蜻蛉言其色青葱也

或云其尾如

鈴

丁也或云其尾如

其翅如紗也按崔豹古今註云大而色青者曰蜻蛉

小

而赤者名曰赤卒曰絳縞曰赤衣使者曰赤弁丈人

小黃者江東名胡黎淮南名螭蚺鄱陽名江雞

大而玄紺者遼海名紺蟬亦曰天  
雞陶氏謂胡黎為蜻蛉采政此耳

集解

俗呼謂胡黎者入藥道家云眼可化為青珠其

餘黃細及黑者不入藥保昇曰所在有之好飛水際  
六足四翼宗顛曰蜻蛉中一種最大汴人呼為馬大

頭者是也身綠色其雌者腰間有碧色一遭入藥用  
雄者此物生於水中故多飛水上其類眼皆大陶氏

獨言蜻蛉眼大何也時珍曰蜻蛉大頭露目短頸長  
腰彈尾翼薄如紗食蚊蚋飲露水造化權輿云水蠆

化螭羅願云水蠆化蜻蛉蜻蛉仍交于水上附物散  
卵復為水蠆也張華博物志亦言五月五日埋蜻蛉

頭于戶內可化青珠未知然否古方惟用大而青者  
近時房中術亦有用紅色者崔豹云遼海間有紺蟬

蟲如蜻蛉而玄紺色六七月羣飛闔天夷人食之云  
海中青蝦所化也雲南志云瀾滄蒲蠻諸地凡土蜂

蜻蛉蚱蜢之類  
無不食之也

氣味微寒無毒

主治強陰止精

別錄壯陽暖水臟  
日華

標雞

本經中品

釋名紅娘子

綱目

灰花蜚

時珍曰其鳴以時故得雞名廣雅作標鳩廣志作犢雞皆

訛矣其羽文綵故俗呼紅娘子灰花蜚云

集解

別錄曰生河內川谷樗樹上七月采暴乾弘景曰今出梁州形似寒蜚而小樗樹似漆而臭亦

猶芫青亭長在芫葛上也恭曰河內無此今出岐州此有二種以五色具者為雄入藥良其青黑質白斑

者是雌不入藥宗奭曰汴洛諸界尤多形類蠶蠶但腹大頭足微黑翅兩重外一重灰色內一重深紅五色皆具頌曰爾雅云翰天雞郭璞註云小蟲也黑身赤頭一名莎雞又曰樗雞然今之莎雞生樗木上六月中出飛而振羽索索作聲人或蓄之樊中但頭方腹大翅羽外青內紅而身不黑頭不赤此殊不類郭說樗上一種頭翅皆赤者乃如舊說人呼為紅娘子然不名樗雞疑即此蓋古今之稱不同爾時珍曰樗即臭椿也此物初生頭方而扁尖喙向下六足重翼黑色及長則能飛外翼灰黃有斑點內翅五色相間其居樹上布置成行秋深生子在樗皮上蘇恭寇宗奭之說得之蘇頌引郭璞以為莎雞者誤矣莎雞居莎草間蟋蟀之類似蝗而班有翅數重下翅正赤六月飛而振羽有聲詳見陸機毛詩疏義而羅願爾雅翼以莎雞為絡緯即俗名紡絲者

修治

時珍曰凡使去翅足以糯米或用麴抄黃色去米麴用

氣味苦平有小毒不可近目

別錄

主治心腹邪氣陰痿益精強志生子好色補中輕身

本腰痛下氣強陰多精

別錄

通血閉行瘀血

宗爽

主療瘰

散目中結翳辟邪氣療獠犬傷

時珍

發明

弘景曰方藥稀用為大麝香丸用之時珍曰古方辟溫殺鬼方中用之近世方中多用益厥陰

經藥能行血活血也普濟方治目翳撥雲膏中與羌青斑蝥同用亦是活血散結之義也

附方新子宮虛寒

杏林摘要云婦人無子由于宮虛寒下元虛月水不調或閉或漏或

崩中帶下或產後敗血未盡內結不散用紅娘子六  
十枚大黃皂莢葶藶各一兩巴豆一百二十枚為末  
棗肉為丸如彈子大以綿裹留繫用竹筒送入陰戶  
一時許發熱渴用熱湯一二盞解之後發寒靜睡要  
安三日方取出每日空心以鷄子三枚胡椒  
末二分炒食酒下以補之久則子宮暖矣

療瘕結

核用紅娘子十四枚乳香硃礪各一錢硃砂一錢半  
黃丹五分為末糯米粥和作餅貼之不過一月其

核自然脫下矣  
風狗咬傷  
斑不  
治即  
死用  
紅娘  
子二  
箇

十歲各加一箇五十歲各加二箇青娘子三箇去翅  
足四十歲各一箇五十六歲加二箇海馬半箇續隨

子一分乳香沈香桔梗各半分酥油少許為末十歲  
者作四服十五歲作三服二十歲作二服三十歲作

一服  
楚翁方  
談  
橫瘕便毒  
雞子一箇開孔入紅娘子食雞子以  
紙包煨熟去紅娘子食雞子以

酒下小便淋瀝出濃血  
即愈 陸氏積德堂方

棗貓

綱目

集解

時珍曰棗貓古方無考近世方廣丹溪心法附  
餘治小兒方用之註云生棗樹上飛蟲也大如

棗子青灰色兩角  
采得陰乾用之

氣味 缺

主治小兒臍風

時珍曰按方廣云小兒初生以綿裹  
臍帶離臍五六寸扎定咬斷以驚翹

筒送藥一二分入臍大孔輕輕揉散以艾炷灸臍頭  
三壯結住勿打動候其自落永無臍風之患萬不失  
一臍硬者用之軟者無病不必用也其法用陰乾棗  
貓兒研末三箇真珠槌研四十九粒炒黃丹五分白



枯礬蛤粉血蛤各五分研勻如  
上法用臍有三孔一大二小也

斑蝥

本經  
下品

校正

陳藏器斑蝥蟲係  
重出今併為一

釋名斑貓

本經

蟬蟬蟲

拾龍

刺斑

斑

時珍曰

斑言其

色

蝥言其毒

如矛刺也亦作蟬蟬俗訛為斑貓又訛斑蝥為  
斑尾也吳普本草又名斑菌曰螻髮曰晏青

集解

別錄曰斑貓生河東山谷八月取陰乾吳普曰  
生河內山谷亦生木石保昇曰斑貓所在有之

七八月大豆葉上甲蟲也長五六分黃黑斑文鳥腹  
尖喙就葉上採取陰乾用弘景曰此一蟲五變主療

皆相似二三月在芫花上即呼為芫青四五月在王  
不留行草上即呼為王不留行蟲六七月在葛花上  
即呼為葛上亭長八九月在豆花上即呼為斑蝥九  
月十月復還地蟬即呼為地膽此是偽地膽耳為療

猶同也其斑蝥大如巴豆甲上有黃黑斑點光青青  
黑色亭長身黑赤頭數曰芫青斑蝥亭長赤頭四件  
樣各不同所居所食所效亦不同芫青嘴尖背上有  
一畫黃在芫花上食汁斑蝥背上一畫黃一畫黑嘴  
尖處有一小赤點在豆葉上食汁亭長形黃黑在葛  
葉上食汁赤頭身黑額上有大紅一點也頌曰四蟲  
皆是一類但隨時變耳深師方云四月五月六月為  
葛上亭長七月為斑蝥九月十月為地膽今醫家知  
用芫青斑蝥而地膽亭長少使故不得詳也恭曰本  
草古今諸方並無王不留行蟲若陶氏所言則四蟲  
專在一處今地膽出幽州芫青出寧州亭長出雍州  
斑蝥所在皆有四蟲出四處可一歲周遊四州乎芫  
青斑蝥形段相似地膽狀貌大殊且采自草葉上陶  
蓋浪言爾時珍曰按本經別錄四蟲采取時月正與  
陶說相合深師方用亭長所註亦同自是一類隨其  
所居所出之時而命名爾蘇恭強闢陶說亦自欠明

按太平御覽引神農本草經云春食芫花為芫青夏食葛花為亭長秋食豆花為斑蝥冬入地中為地膽黑頭赤尾其說甚明而唐宋校正者反失收取更致紛紜何哉陶氏之王不留行蟲雷氏之赤頭方藥未有用者要皆此類固可理推餘見地膽

修治 數曰凡斑蝥芫青亭長地膽修事並漬糯米小麻子相拌炒至米黃黑色取出頭足三翅以血餘果懸東牆角上一夜用之則毒去也大明曰入藥須去翅足糯米炒熟不可生用即吐瀉人時珍曰一法用麩炒過醋煮用之也

氣味辛寒有毒

普曰神農辛岐伯鹹扁鵲甘有大毒曰馬刀為之使畏巴豆丹參空青惡

膚青甘草豆花時珍曰斑蝥芫青亭長地膽之毒靛汁黃連黑豆葱茶皆能解之

主治寒熱鬼疰蠱毒鼠瘻瘡疽蝕死肌破石癰本經血

積傷人肌治疥癬墮胎別錄治療癰通利水道甄權療淋

疾傳惡瘡癰爛日華治疔瘕解疔毒獐犬毒沙蟲毒蠱

毒輕粉毒時珍

發明

宗奭曰妊婦人不可服之為潰人肉治淋方多用極苦人須斟酌之時珍曰斑蝥人獲得之尾

後惡氣射出臭不可聞故其入藥亦專主走下竅直至精溺之處蝕下敗物痛不可當葛氏云凡用斑蝥取其利小便引藥行氣以毒攻毒是矣楊登甫云療癰之毒莫不有根大抵以斑蝥地膽為主制度如法能使其根從小便中出或如粉片或如血塊或如爛肉皆其驗也但毒之行小便必澀痛不可當以木通

滑石燈心輩道之又葛洪肘後方云席辯刺史傳云  
凡中蠱毒用斑蝥四枚去翅足炙熟桃皮五月初  
五日采取去黑皮陰乾大戰去骨各為末如斑蝥一  
分二味各用二分合和棗核大以米清服之必吐出  
蠱一服不瘥十日更服此蠱洪州最多有老嫗解療  
之一人獲縑二十疋秘方不傳後有子孫犯法黃華  
公若于則時為都督因而得之也

附方

新舊六

內消瘰癧

不拘大人小兒經驗方用斑蝥

焦去米不用入薄荷四兩為末烏雞子清九如菜豆  
大空心臘茶下三九加至五九却每日減一九減至  
一丸後每日五九以消為度廣利治瘰癧經久不  
瘥用斑蝥一枚去翅足微炙以漿水一盞空腹吞之  
用蜜水亦可重者瘰癧有蟲酒浸半日晒乾斑蝥以苦  
不過七枚瘥也

箇銅器炒熟為末巴豆一粒黃夫背上毛二七根癰

炒研硃砂五分同和苦酒

癰疽不破或破而腫硬無膿斑蝥為末以蒜

搗膏和水一豆許貼之少頃膿出即去藥

直疔腫拔根

斑蝥一枚捻破以鍼劃瘡上作米

血疔

便毒

不拘已成未成隨即消散斑蝥三箇去翅足炒

毒從小便出如痛以車前木通澤瀉白湯下日一服

猪苓煎

飲名破毒散甚效東垣方積年癰瘡用斑

蝥半兩微炒為末蜜調傳之永面上瘡癰大有紫

類用斑蝥七箇醋浸露一夜搽之面上瘡癰大有紫

瘡癰未消用乾斑蝥末以生油調傳約半日瘡癰脹

起以軟帛拭去藥以棘鍼挑破近下冷水出乾不得

剝其瘡皮及不可以藥近口眼若是尖瘡癰子

即勿用此別用膽礬

藥以治之

聖濟總錄

疣瘡

黑子

斑蝥三箇人言少許以糯米五錢炒黃去米入蒜一箇搗爛點之

風狗咬傷

衛生

易簡方云此乃九死一生之病急用斑蝥七枚以糯米炒黃去米為末酒一盞煎半盞空心溫服取下小肉狗三四十枚為盡如數少數日再服七次無狗形永不發也累試累驗醫方大成用大斑蝥三七枚去頭翅足用糯米一勺畧炒過去斑蝥別以七枚如前炒色變復去之別以七枚如前至青烟為度去蝥只以米為粉用冷水入清油少許空心調服須臾再進一服以小便利下毒物為度如不利再進利後肚疼急用冷水調青靛服之以解其毒否則有傷黃連水亦可解之但不宜服一切熱物也

中沙

風毒

斑蝥二枚一枚末服一枚燒至烟盡研末傳瘡中立瘡肘后

塞耳治聾

斑蝥炒二

枚生巴豆去皮心二枚杵丸棗核大綿裹塞之聖惠方妊娠胎死

斑蝥一枚燒研水服即下

廣利方

芫青

別錄下品

釋名青娘子

時珍曰芫花上而色青故名芫青世俗諱之呼為青娘子以配紅娘子也

集解

別錄

曰三月取暴乾弘景曰二月三月在芫花上花時取之青黑色恭曰出寧州頌曰處處有

之形似斑蝥但色純青綠背上一道黃文尖喙三四月芫花發時乃生多就芫花上采之暴乾時珍曰但

連芫花莖葉采置地上一夕盡自出也餘見斑蝥

修治

見斑蝥

氣味辛微溫有毒

時珍曰芫青之功同斑蝥而毒尤猛蓋芫花有毒故也畏惡同斑



聾

主治蠱毒風症鬼症墮胎別錄治鼠瘻弘景主疝氣利小

水消癰瘰下痰結治耳聾目翳獐犬傷毒餘功同斑

蝨

時珍

附方

新三

偏墮疼痛

青娘子紅娘子各十枚白麩拌炒黃色去前二物熟湯調服立効也

談楚翁方目中頑翳

發背膏用青娘子紅娘子斑蝥各二箇去頭足麩炒黃色蓬砂一錢

蕤仁去油五箇為末每點少許日五六次塞耳治聾

仍同春雪膏點之膏見黃連下普濟方

芫青巴豆仁蓖麻仁各一枚研聖惠方

丸棗核大綿包塞之

葛上亭長

別錄  
下品

釋名

弘景曰此蟲黑身赤頭如亭長之著玄衣赤幘故名也

集解

別錄曰七月取暴乾弘景曰葛花開時取之身黑頭赤腹中有卵白如米粒恭曰出雍州保昇

曰處處有之五六月葛葉上采之形似芡青而蒼黑色數曰亭長形黑黃在葛上食蔓膠汁又有赤頭身黑色額上有大紅一點各有用處時珍曰陶言黑身赤頭故名亭長而雷氏別出赤頭不言出處似謬

修治

同斑蝥

氣味辛微溫有毒

惡畏同斑蝥

主治蠱毒鬼瘡破淋結積聚墮胎別通血閉癥塊鬼

胎餘功同斑蝥

時珍

發明

頌曰深師療淋用亭長之說最詳云取葛上亭長折斷腹腹中有白子如小米三二分安白板

上陰二三日收之若有人患十年淋服三枚八年以還服二枚服時以水如棗許著小盃中爪用研之當扁扁見於水中仰面吞之勿令近牙齒間藥雖微小下喉自覺至下焦淋所有頃藥作大煩急不可堪者飲乾麥飯汁則藥熱止也若無乾麥飯但水亦可耳老小腹三分之一當下淋疾如膿血連連爾去者或如指頭或青或黃不拘男女皆愈若藥不快淋不下以意節度更增服之此蟲五六月為亭長頭赤身為黑七月為斑蝥九月為地膽隨時變耳

附方新經脈不通

婦人經脈不通癥塊脹滿腹有鬼胎用葛上亭長五枚以糙米和炒

去翅足研末分三服空心甘草湯下須臾覺臍腹急痛以黑豆煎湯服之當通聖惠方肺風白

癩

方見  
蛇

地膽

本經  
下品

釋名 蚺青

本經 青蚺

亦名 蚺

弘景曰

地膽是

芫青所

化故

時

故

珍曰地膽者居地中其色如膽也按太平御覽引爾雅云地膽地要青蚺也又引吳普本草云地膽一名

杜龍一名青虹陶弘景以蚺字為蛙字音鳥媧切者誤矣宋本因之今俱釐政也

集解

經曰生汶上山谷八月取之弘景曰真地膽出梁州狀如大馬蟻有翼偽者是斑蝥所化狀如

大豆大抵療體畧同亦難得真耳恭曰形如大馬蟻者今出邠州三月至十月草葉上采之非地中也狀

如大豆者未見之陶亦浪證爾保昇曰二月三月八月九月草葉上采之形倍黑色芫青所化也時珍曰

今處處有之在地中或牆石內蓋芫青亭長之類冬月入蟄者狀如斑蝥蘊菴未見反非陶說非也本經別名芫青尤為可證既曰地膽不應復在草葉上矣蓋芫青青綠色斑蝥黃斑色亭長黑身赤頭地膽黑頭赤尾色雖不同功亦相近

修治同斑蝥

氣味辛寒有毒

主治鬼疰寒熱鼠瘻惡瘡死肌破癥瘕墮胎

本經

蝕瘡

中惡肉鼻中瘰肉散結氣石淋去子服一刀圭即下

別錄宣拔癰癰從小便中出上亦吐出又治鼻艷

藥性治

疝積疼痛餘功同斑蝥

時珍

發明

頌曰今醫家多用斑蝥光青而稀用亭長地膽

瘡類類累垂裂如瞽眼其中帶青由是簇頭各類一  
舌毒深穿孔男則多發于腹女則多發于乳或項或  
肩令人昏迷急宜用地膽為君佐以白牽牛滑石木  
通利小便以宣其毒更服童尿灌滌餘邪乃可得安  
也

附方

新小腸氣痛

地膽去翅足頭微炒硃砂各半兩  
滑石一兩為末每苦杖酒食前調

服二

錢即鼻中瘰癧肉

地膽生研汁灌之乾者酒煮取  
汁又方細辛白芷等分為末

以生地膽汁和成膏每用少  
許點之取消為度並聖惠

蜘蛛

別錄下品

釋名次蠱

秩爾雅

蠹螭屬

方音

蚰

時珍曰按王安石

字說云設一面之網物觸而後誅之知乎誅義者故曰蜘蛛爾雅作蠹螭從黽黽者大腹也楊雄方言云

自關而東呼為蠹螭齊人又呼為杜公蚰見朝鮮之間謂之蠹螭

集解

弘景曰蜘蛛數十種今入藥惟用懸網如魚罾者亦名蚰螭赤斑者名絡新婦亦入方術家用

其餘並不入藥頌曰蜘蛛處處有之其類極多爾雅云次蠱蠹螭也土蠹螭草蠹螭蠹螭蟬蛸長跣郭璞

註云今江東呼蠹螭為蠹螭長脚者為蟬蛸則陶云蚰螭者即蠹螭也藏器曰蚰螭在孔穴中及草木上

陶言即蜘蛛非矣穀曰凡五色者及大身有刺毛生者并薄小者並不入藥惟身小尻大腹內有蒼黃膿

者為真取屋西結網者去頭足研膏用宗奭曰蜘蛛  
品多皆有毒今人多用之家簷角籬頭陋巷之間空  
中作懸網大腹深灰色者耳遺尿著人令人生瘡恭  
曰劒南山東為此蟲所噬瘡中出絲屢有死者時珍  
曰蜘蛛布網其絲右繞其類甚多大小顏色不一爾  
雅但分蜘蛛草土及蠨蛸四種而已蛛小顏色不一爾  
往往見于典籍按劉禹錫傳信方云判官張延賞為  
斑蜘蛛咬頸上一宿有二赤脈繞項下至心前頭面  
腫如數斗幾至不救一人以大藍汁入麝香雄黃取  
一蛛投入隨化為水遂以點咬處兩日悉愈又云貞  
元十年崔從質員外言有人被蜘蛛咬腹大如孕婦  
有僧教飲羊乳數日而平又李絳兵部手集云蜘蛛  
咬人遍身成瘡者飲好酒至醉則蟲於肉中似小米  
自出也劉郁西域記云赤水兜城有蟲如蜘蛛中人  
則煩渴飲水立死惟飲葡萄酒至醉吐則解此與李  
絳所言蜘蛛毒人飲酒至醉則愈之意同蓋亦蜘蛛



地鄭曉吾學編云西域賽藍地方夏秋間草生小黑  
蛛甚毒嚙為痛聲徹地土人誦呪以薄荷枝拂之  
或以羊肝遍擦其體經一日夜痛方止愈後皮脫如  
蛻牛馬被傷輒死也元稹長慶集云巴中蜘蛛大而  
毒甚者身運數寸躋長數倍竹木被網皆死中人瘡  
痛痛痒倍常惟以苦酒調雄黃塗之仍用鼠負蟲食  
其絲則愈不急救之毒及心能死人也段成式酉陽  
雜俎云深山蜘蛛有大如車輪者能食人物若此數  
說皆不可不知淮南萬畢術言赤斑蜘蛛食猪肪百  
日殺以塗布雨不能濡殺以塗足可履水上抱朴子  
言蜘蛛水馬合馮夷水仙丸服可居  
水中皆方士幻誕之談不足信也

氣味微寒有小毒

大明曰無毒畏蔓青雄黃  
時珍曰蜘蛛入飲食不可食

主治大人小兒瘡及小兒大腹丁奚三年不能行者

別錄蜈蚣蜂螫人取置咬處吸其毒弘景主蛇毒溫虐

止嘔逆癰亂蘇恭取汁塗蛇傷燒啖治小兒腹疳蘇頌主

口喎脫肛瘡腫胡臭齒齲時珍者治瘡疾疔腫日華

發明

頌曰別錄言蜘蛛治瘡張仲景治陰狐疝氣偏有大小時時上下者蜘蛛散主之蜘蛛十四枚

炒焦桂半兩為散每服八分日再或以蜜九亦通恭

玉露載蜘蛛能制蛇故治蛇毒而本條無此時珍曰鶴林

言蜘蛛治蜈蚣傷亦相伏爾沈括筆談載蜘蛛為蜂螫

能嚙芋根摩創而愈今蛛又能治蜂螫何哉又劉義慶幽明錄云張甲與司徒蔡謨有親謨晝寢夢甲曰忽暴病心腹脹滿不得吐下名乾霍亂惟用蜘蛛生斷脚吞之則愈但人不知甲某時死矣謨覺使

人驗之甲果死矣後用此治乾霍亂輒驗也按此說雖怪正合唐註治嘔逆霍亂之文當亦不謬蓋蜘蛛服之能令人利也

附方舊新中風口喎上候正即止摩偏急頰小兒

口禁

直指立聖散用乾蜘蛛一枚去足竹瀝浸一宿灸焦蠶稍七箇臍粉少許為末每用一字乳汁

調時時灌入口中聖惠治小兒十日內口噤不能吮乳蜘蛛一枚去足灸焦研末入猪乳一合勻分

作三服徐徐灌止截瘡疾葛洪方用蜘蛛一枚同飯之神效無比搗丸吞之楊氏家藏用

蜘蛛一枚著蘆管中密塞綰項上勿令患人知之海用上用蜘蛛三五枚綿包繫寸口上宣明方用大

凡蜘蛛三枚信砒一錢雄黑豆四十九粒為末滴水為丸豌豆大先夜以一九獻于北斗下次果紙裹挿耳

內立見神聖一  
凡可醫二人  
泄痢脫肛已久者黑聖散主之  
大蜘蛛一箇籛葉兩重包札定

燒存性入黃丹少許為末先以白礬葱椒煎湯洗拭  
乾以前藥末置軟帛上托入收之甚是有效也  
乘

閉走馬牙疳  
出血作臭用蜘蛛一枚銅綠半錢麝香少許杵勻擦之無蜘蛛用殼直指齒

蠱斷爛用大蜘蛛一箇以濕紙重裹荷葉包之  
煨焦為末入麝香少許研傳永類鈴方灰火

聾耳出膿  
蜘蛛一箇蘸脂坵子半錢麝香一字為末用鷺翎吹之  
吹奶疼痛蜘蛛

一枚麪裹燒存性為  
末酒服即止神效  
頰下結核大蜘蛛不計多少好  
酒浸過同研爛澄去

滓臨臥時服之最  
效醫林集要  
療癰結核無問有頭無頭用大蜘蛛五枚日乾去足細研

酥調塗之日再  
上聖惠方  
鼠癭腫核已破出膿水者蜘蛛二便  
七枚燒研傳之千金便

毒初起

左右黑蜘蛛側卧取利

一枚研爛熱酒一椀攪服

壽域隨丁腫

拔根

取戶邊蜘蛛杵爛醋和先挑出大有神效

千金

腋下胡臭

大蜘蛛一枚以黃泥入少赤石脂末及鹽少許和勻裹蜘蛛燬之為末入輕粉一字醋

調成膏臨臥傳腋下明早登蜂螫螫傷之并研汁塗

生者

安咬處吸其毒廣利方

蜈蚣咬傷

同蛇虺咬傷蜘蛛搗爛一切

惡瘡

蜘蛛晒研末入輕粉

直指方

蛻殼主治蟲牙牙疳

時珍

附方

舊一蟲牙有孔

蜘蛛殼一枚綿牙疳出血

蜘蛛

末入臘脂麝香少  
許傳之 直指方

網主治喜忘七月七日取置衣領中勿令人知別以

纏疣贅七日消落有驗蘇恭療瘡毒止金瘡血出炒黃

研末酒服治吐血

時珍聖惠方出

發明

時珍曰按侯延賞退齋閑錄云凡人卒暴吐血者用大蜘蛛網搓成小團米飲吞之一服立止

此乃孫紹先所傳方也又酉陽雜俎云裴旻山行見蜘蛛結網如尺布引弓射殺斷其絲數尺收之部下

有金瘡者剪方寸貼之血立止也觀此則蛛網蓋止血之物也

附方

新

積年諸瘡

蜘蛛膜貼之數易千金方

反花瘡疾同肛門

鼠痔

蜘蛛絲纏之即落

疣瘤初起

柳樹上花蜘蛛纏之久則自消簡便方

草蜘蛛

拾遺

正誤

舊標作蜘蛛今據爾雅改作草蜘蛛見下

集解

藏器曰蜘蛛在孔穴中及草木稠密處作網而吞絲為蒂就中開一門出入形段微似蜘蛛而

斑小陶言蜘蛛即蜘蛛誤矣時珍曰爾雅蠶龜蠃也草蠶龜在草上絡幕者據此則陶氏所謂蜘蛛正

與爾雅相合而陳氏所謂蜘蛛即爾雅之草蜘蛛也今改正之然草上亦有數種入藥亦取其大者爾有

甚毒者不可不知李氏三元書云草上花蜘蛛絲最毒能纏斷牛尾有人遺尿絲纏其陰至斷爛也又沈

存中筆談言草上花蜘蛛咬人為天蛇毒則誤矣詳見鱗部天蛇下

氣味微寒有小毒

主治出疔腫根搥膏塗之

藏器

絲主治去瘤贅疣子穰瘡疾

時珍

附方新

瘤疣

用挑上花蜘蛛十餘安桃枝上待絲垂下取東邊者樵為綿繫之七日一換自

消落也  
總微論

截瘡

五月五日取花蜘蛛晒乾絳囊盛之臨期男左女右繫臂上勿令知之普

濟方

壁錢

拾遺

釋名壁鏡

時珍曰皆以窠形命名也

集解

藏器曰壁錢蟲似蜘蛛作白幕如錢貼牆壁間北人呼為壁繭時珍曰大如蜘蛛而形扁斑色



八足而長亦時蛻殼其膜色光白如繭或云其蟲有毒咬人至死惟以桑柴灰煎取汁調白礬末傅之妙氣味無毒

主治鼻衄及金瘡出血不止捺取蟲汁注鼻中及點

瘡上亦療五野雞病下血

藏器

治大人小人急疳牙蝕

腐臭以壁蟲同人中白等分燒研貼之又主喉痺

時珍

出聖惠等方

附方新喉痺乳蛾

已死者復活用牆上壁錢七箇內要活蛛二枚撚作一處以白礬七

分一塊化開以壁錢惹礬燒存性出火毒為末竹管吹入立時就好忌熱肉硬物

窠幕主治小兒嘔逆取二七枚煮汁飲之

藏器

產後效

逆三五日不止欲死者取三五個煎汁呷之良又止金瘡諸瘡出血不止及治瘡口不斂取蘭頻貼之止

蟲牙痛

時珍

附方

新

蟲牙疼痛

普濟以壁上白蟻窠四五箇剝去黑者以鐵刀燒出汗將窠惹汗九

之納入牙中甚效又以乳香入窠內燒存性納之亦效一方用牆上白蛛窠包胡椒末塞耳左痛塞右

右痛塞左手掩住側臥待額上有微汗即愈

螻蛄

拾遺

釋名

蚘

蜴

爾

顛

當

蟲

拾

蚘

母

網

土

蚘

蛛

藏

器

曰

螳

雅

蚘

作蚘

蚘

音

迭

湯

今

轉

為

顛

當

蟲

河

北

人

呼

為

蚘

蟻

音

姪

唐

鬼

谷

子

謂

之

集解

上

有

蓋

覆

穴

口

時

珍

曰

蚘

蜴

即

爾

雅

土

蚘

蛛

也

土

為

窠

穴

也

土

中

窠

深

如

蚘

穴

網

絲

其

中

土

蓋

與

地

平

大

如

榆

莢

常

仰

無

隙

可

尋

而

蜂

捍

其

蓋

伺

蠅

蠅

過

輒

翻

蓋

捕

之

繞

入

復

閉

與

地

一

色

無

隙

可

尋

而

蜂

門

蠅

蠅

冠

汝

無

處

奔

氣味有毒

主治一切疔腫附骨疽蝕等瘡宿肉贅瘤燒為末和

臘月豬脂傳之亦可同諸藥傳疗腫出根為上藏器

蠶  
開寶

釋名蚺蚺音伊主簿蟲開寶杜白廣雅蠶尾蟲志曰段成式酉陽雜

俎云江南舊無蠶開元初有主簿以竹筒盛過江至今往往有之故俗稱為主簿蟲時珍曰按唐史云鈺

南本無蠶有主簿將至遂呼為主簿蟲又張揖廣雅云杜白蠶也陸璣詩疏云蠶一名杜白幽州人謂之

蠶觀此則主簿乃杜白之訛而後人遂傳會其說許慎云蠶蠶尾蟲也長尾為蠶短尾為蠶葛洪云蠶前

為蠶後為蠶古語云蜂蠶垂芒其毒在尾今入藥有全用者謂之全蠶有用尾者謂之蠶稍其力尤緊

集解志曰蠶出全州形緊小者良段成式云鼠負蟲巨者多化為蠶蠶子多負於背子色白纔如稻

粒陳州古倉有螫形如錢螫人必死蝸能食之先以  
跡矩之不復去也宗奭曰今青州山中石下捕得慢  
火逼之或烈日中晒至螫渴時食以青泥既飽以火  
逼殺之故其色多赤欲其體重而售之也用者當去  
其土頌曰今汴洛河陝州郡皆有之采無時以火逼  
乾死之陶隱居集驗方言螫有雌雄雄者螫人痛止  
一處用井泥傅之雌者痛牽諸處用瓦溝下泥傅之  
皆可畫地作十字取土水服方寸匕或在手足以冷  
水漬之微暖即易在身以水浸布搗之皆驗又有咒  
禁法亦驗時珍曰螫形如水黽八足而長尾有節色  
青今捕者多以鹽泥食之入藥去足焙用古今錄  
驗云被螫螫者但以水梳合之神驗不傳之方也  
氣味甘辛平有毒

主治諸風癱瘓及中風半身不遂口眼喎斜語澀手

足抽掣

開寶

小兒驚癇風搐大人瘥瘧耳聾疰氣諸風

瘥女人帶下陰脫

時珍

發明

宗奭曰大人小兒通用驚風尤不可闕頌曰古今治中風抽掣及小兒驚搐方多用之篋中方

治小兒風癇有方時珍曰驚產於東方色青屬木足厥陰經藥也故治厥陰諸病諸風掉眩搐掣瘥疾寒熱耳聾無聞皆屬厥陰風木故東垣李杲云凡疰氣帶下皆屬於風驚乃活風要藥俱宜加而用之

附方

舊三新二十

小兒臍風

宣風散治初生斷臍後傷風濕唇青口撮出白沫不乳用

全蠶二十一箇無灰酒塗炙為末入麝香少許每用金銀煎湯調半字服之全幼心鑑小兒風

癇

取蠶五枚以一大石榴割頭剝空納蠶於中以頭蓋之紙筋和黃泥封裏微火炙乾漸加大煅赤候

冷去泥取中焦黑者細研乳汁調半錢灌慢脾驚風

之便定兒稍大以防風湯調服

小兒久病後或吐瀉後生驚轉成慢脾用蜚稍一兩

為末以石榴一枚剉空用無灰酒調末填入蓋定坐

文武火上時時攪動熬膏取出放冷每服一字金銀

薄荷湯調下

症全蜚白朮麻黃去節等分為末一歲

以下一字三歲以上半錢薄荷湯下

天鈞驚風

飯上用乾蜚全者一箇瓦炒好硃砂三綠豆大為末

聖小兒胎驚

少許麥門冬煎湯調下一字效

湯氏

寶小兒驚風

用蜚一箇頭尾全者以薄荷四葉裹定

書小兒驚風

火上炙焦同研為末分四服白湯下

經驗

大人風涎

即上方風淫濕痺

手足不舉筋節掣

疼先與通闊次以

全蠶七箇瓦炒入麝香一字研勻酒三盞空心調服如覺已透則止未透再服如病未盡除自後專以婆

蒿根洗淨酒煎日破傷中風普濟用乾蠶麝香各一

二服直指方愈錢湯化爲糊和搗九綠豆大每服一丸至二九豆淋

酒下甚者加腎氣冷痛聖惠定痛丸治腎藏虛冷氣

至三九取汁如稠膏九梧子大每酒下二十九及童便各三升煎

疼痛用乾蠶七錢半焙爲末以酒及童便各三升煎

如蠶二十枚頭足全者掘一坑深潤各五寸用炭火

五斤燒赤去火淋醋一升入內待滲乾排蚬蚬於坑

底碗蓋一夜取出木香蘿蔔子炒各二分胡椒三小

十粒煨榔肉豆蔻一箇爲末每服一錢熱酒下小

腸疝氣用紫小全蠶焙爲末每發時服一錢入腎虛

麝香半字溫酒調服少頃再進神效



耳聾

十年者二服可愈小蠶四十九箇生薑如蠶大

二更時更進一服至醉不妨次日耳暴聾閉全蠶去

耳中如笙簧聲即效杜壬方耳暴聾閉毒為末

酒服一錢以耳中聞水聲膿耳疼痛蠶稍七枚焙去

即效周密志雅堂雜鈔毒入麝香半錢

為末挑少許入耳中日夜三偏正頭風氣上攻不可

四次以愈為度楊氏家藏忍用全蠶二

末酒調攤貼太陽穴上三箇五倍子五錢為風牙疼

痛全蠶三個蜂房二錢腸風下血乾蠶炒白礬燒各

炒研擦之直指方錢下血乾蠶炒白礬燒各

錢米飲下子腸不收全蠶炒研末口噙水鼻諸痔發

聖惠方子腸不收中畜之立效衛生寶鑑諸痔發

瘡用全蠶不拘多少燒烟熏諸瘡毒腫全蠶七枚厄

之即效秘法也袖珍方諸瘡毒腫子七箇麻油

煎黑去滓入黃蠟化  
成膏傳之 澹療方

水蛭

本經下品

釋名

蛭與蜺同爾雅作虬

至掌

別錄

大者名馬蜺

唐本

馬蛭

唐本

蟻

義馬鼈

衍義

時珍曰

方音訛

蛭為

瘡故俗

有

水

鼈

腹黃者為馬蟻

集解

別錄曰

水蛭生

雷澤池

有之

蛭有數

種以

水中

馬蜺得

弘

景曰處處河

蛭人腹中有血者乾之為佳

山蛭及諸小者皆不堪

用恭曰有水蛭草蛭大者長尺許並能啞牛馬人血

今俗多取深水中小者用之大效不必食人血滿腹者

其草蛭在深山中人行即著脛股不覺入於肉中

本草綱目

手三

三

三

三

三

產育為害山人自有療法保昇曰惟采水中小者用之別有石蛭生石上泥蛭生泥中二蛭頭尖腰粗色赤誤食之令人眼中如生烟漸致枯損時珍曰李石續博物志云南方水瘡以鼻涕聞人氣閃閃而動就人體成瘡惟以麝香硃砂塗之即愈此即草蛭也

修治

保昇曰采得以簞竹筒盛待乾用米泔浸一夜

乾蛭當展其身令長腹中有子者去之性最難死雖以火炙亦如魚子煙熏經年得水尤活也大明曰此物極難修治須細剉以微火炒色黃乃熟不爾入腹生子為害時珍曰昔有途行飲水及食水菜誤吞水蛭入腹生子為害噉數升則必盡下出也蓋蛭在人腹忽或播黃土水飲數升則必盡下出也蓋蛭在人腹忽得土氣而下爾或以牛羊熱血一二升同猪脂飲之亦下也

氣味鹹苦平有毒

別錄曰微寒畏石灰食鹽

主治逐惡血瘀血月閉破血癥積聚無子利水道

經本

墮胎

別錄

治女子月閉欲成血勞

藥性

嘔赤白游癰及癰

腫毒腫藏

器

治折傷墜撲畜血有功

寇宗奭

發明

成無己曰鹹定血苦勝血水蛭之鹹苦以除畜血乃肝經血分藥故能通肝經聚血弘景曰楚

王食寒俎見蛭吞之果能去結積雖曰陰祐亦是物性兼然藏器曰此物難死故為楚王之病也時珍曰

按賈誼新書云楚惠王食寒菹得蛭恐監食當死遂吞之腹有疾而不能食令尹曰天道無親惟德是輔

王有仁德病不為傷王病果愈此楚王吞蛭之事也王充論衡亦云蛭乃食血之蟲楚王殆有積血之病

故食蛭而病愈也與陶說相符

附方

舊四新六

漏血不止

水蛭炒為末酒服一錢日服惡血消即愈

千金產後

血暈

血結聚於胸中或偏於少腹或連於脇肋用水蛭炒去翅足炒沒藥麝香各一錢為末以

四物湯調下血下痛止

保命集

折傷疼痛

水蛭新瓦焙為細末酒服二錢食頃

作痛可更一服痛止便將折骨跌撲損傷瘀血凝滯藥封以物夾定調理

經方跌撲損傷心腹脹痛

大小便不通欲死用紅蛭石灰炒黃半兩大黃牽牛頭末各二兩為末每服二錢熱酒調下當下惡血以

盡為度

名奪墜跌打擊

內傷神效方水蛭麝香各一兩剉碎燒令烟盡為末酒服

一錢當下畜血未止再服其效如神

古今錄驗方杖瘡腫痛

水蛭炒研同朴消等分研末水

調傳之周赤白丹腫藏器曰以水蛭十餘枚令啞  
密志雅堂抄

無蛭地中掘取暖水養之令動先淨人皮膚以  
竹筒盛蛭合之須臾咬啞血滿自脫更用飢者癰腫

初起

同上方法  
紉染白鬚  
談楚翁方用水蛭為極細末以  
龜尿調搨鬚稍自行入根也

一用白鳥骨雞一隻殺血入瓶中納活水蛭數十於  
內待化成水以猪膽皮包指蘸蘸鬚稍自黑入根也

普濟用大水蛭七枚為末汞一兩以銀三兩作小  
盒盛之用蛭蛭泥固濟半指厚深埋馬糞中四十九

日取出化為黑油以魚脬籠指每蘸少許搨鬚上其  
油自然倒行至根變為黑色也又黑鬚倒捲簾方

用大馬螞二三十條竹筒裝之夜置露處受氣餓過  
七日以雞冠血磨京墨與食過四五次復陰乾將猪

脛骨打斷放螞入內仍合定鐵線纏住鹽泥塗之乾  
時放地上火煅五寸香二次退開三寸火又五寸香

三次再退遠火又五寸香取出為末將猪膽皮包指承末搽鬚稍即倒上也

蟻目綱

釋名玄駒

亦作蚍

蚍蜉

時珍曰蟻有君臣之義故字從義亦作螳大者為蚍蜉亦曰馬

蟻赤者名螳飛者名蜉楊雄方言云齊魯之間謂之蚍蜉梁益之間謂之玄駒幽燕謂之蟻蚍夏小正云十二月玄駒奔謂蟻入蟄也大蟻喜酣戰故有馬駒之稱而崔豹古今注遂以蟻妖附會其說謬矣今不取

集解

時珍曰蟻處處有之有大小黑白黃赤數種穴居卵生其居有等其行有隊能知雨候春出冬

蟄壅土成封曰蟻封又曰蟻垤蟻垤蟻冢壯其如封垤垤冢也其卵名蚍音遲山人掘之有至斗石者古

人食之故內則周官饋食之豆者蚝醢也今惟南夷食之劉恂嶺表錄異云交廣溪峒間酋長多取蟻卵淘淨為醬云味似肉醬非尊貴不可得也又云嶺南多蟻其窠如薄絮囊連帶枝葉彼人以布袋貯之賣與養柑子者以辟蠹蟲五行記云後魏時兗州有赤蟻與黑蟻鬪長六七步廣四寸赤蟻斷頭死則離騷所謂南方赤蟻若象玄蜂若壺者非寓言也又按陳藏器言嶺南有獨脚蟻一足連樹根下止能動搖不能脫去亦一異者也

附錄白蟻

時珍曰白蟻即蟻之白者一名蜃一名飛螳穴地而居蠹木而食因濕營土大為物

害初生為蟻蛭至夏遺卵生翼而飛則變黑色蟻蛭尋亦隕死性畏燂炭桐油竹雞云蟻音鈴蟻蛭

土白蟻泥

並見土部



獨脚蟻主治丁腫疽毒搗塗之

藏器

青腰蟲

拾遺

集解藏器曰蟲大如中蟻赤色腰中青黑似狗獨一尾而尖有短翅能飛春夏有之也

主治有大毒著人皮肉腫起剝人面皮除印字至骨

者亦盡食惡瘡瘰肉殺癰虫

藏器

蛆

綱目

釋名

時珍曰蛆行趨趨故謂之蛆或云沮洳則生亦通

集解

時珍曰蛆蠅之子也凡物敗臭則生之古法治醬生蛆以草烏切片投之張子和治瘰疽瘡瘍

生蛆以木香栝榔散末傳之李樓治爛痘生蛆以嫩柳葉鋪臥引出之高武用猪肉片引出以黎盧貫衆白欬為末用真香油調傳之也

氣味寒無毒

主治糞中蛆治小兒諸疳積疳瘡熱病譫妄毒痢作吐

泥中蛆治目赤洗淨晒研貼之

馬肉蛆治鍼箭入肉中及取蟲牙

蟹蟄肉蛆治小兒諸疳

並時珍

附方新一切疳疾

聖濟總錄六月取糞坑中蛆淘淨入竹筒中封之待乾研末每服一

二錢入麝香米飲服之又方用蛆蛻米疳逐日換浸五日再以清水換浸三日晒焙為末入黃連末等

分每半兩入麝香五分以豬膽汁和小兒熱疳尿九黍米大每服三四十九米飲下神效小兒熱疳如

米泔大便不調糞蛆燒灰雜物與食之小兒痺積為末入甘草末少許

米糊九梧子大每服五七小兒諸疳疳積及無辜疳九米飲下甚妙總微論小兒諸疳一服退熱二服

煩渴止三服瀉痢住用端午午時取蟹蓋金眼大腹不跳不鳴者槌死置尿桶中候生蛆食盡取蛆入新

布袋懸長流水中三月新瓦焙乾入麝香少許為末每空心以砂糖湯調服一錢或粳米糊為丸每米飲

服二三齒鼻疳瘡糞蛆有尾者燒灰一錢褐衣熱九直指灰五分和勻頻吹神效無比熱

痢吐食

因服熱藥而致者用糞中蛆流水洗淨晒乾為末每服一錢米飲下眼目赤瞎

青泥中蛆淘淨日乾為末令患人仰臥合目每次用一錢散目上須與藥行待少時去藥赤瞎亦然保

命集利骨取牙

普濟如神散取牙用肥赤馬肉一斤入硃砂二兩拌和候生蛆取日乾為末每

一兩入粉霜五分研勻先以鍼發動牙根四畔空虛次以燈心蘸末少許點之良久自落秘韞利骨散

用白馬腦上肉一二斤待生蛆與烏骨白雞一隻食之取糞陰乾每一錢入硃砂一錢研勻用少許擦疼

處片時取之即落

蠅

綱目

釋名

時珍曰蠅飛營營其聲自呼故名

集解

時珍曰：蠅處處有之，夏出冬蟄，喜暖惡寒，蒼者聲雄，壯負金者聲清，括青者糞能敗物，巨者首

如火麻者，茅根所化，蠅聲在鼻而足，喜交其蛆，胎生蛆入灰中，蛻化為蠅，如蠶鑿之化蛾也。蠅溺水死得辟法：一種小蟾蜍，專捕食之，謂之蠅虎者是也。

主治：拳毛倒睫，以臘月蟄蠅乾研為末，以鼻頻嗅之。

即愈

時珍

發明

時珍曰：蠅古方未見用者，近時普濟方載此法，云出海上名方也。

狗蠅

綱目

集解

時珍曰：狗蠅生狗身上，狀如蠅，黃色能飛，堅皮利喙，噉狗血，冬月則藏狗耳中。

氣味微毒

主治痰癰不止活取一枚去翅足麩裏為丸衣以黃丹發日早米飲吞之得吐即止或以臘丸酒服亦可

又搗酒服治痘瘡倒靨

時珍

發明

時珍曰狗蠅古方未見用者近世醫方大成載治瘡方齊東野語載托痘方蓋亦鼠負牛蝨之

類耳周密云同僚括蒼陳坡老儒也言其孫三歲時發熱七日痘出而倒靨色黑唇口冰冷危證也遍試

諸藥不效因求卜遇一士告以故士曰恰有藥可起此疾甚奇因為經營少許持歸服之移時即紅潤也常懇求其方乃用狗蠅七枚搗細和醅酒少許調服滿夫痘瘡固是危事然不可援大要在固臟氣之外

任其自然爾然或有變證則不得不資于藥也

附錄壁蝨

時珍曰即臭蟲也狀如酸棗仁啞人血食

香雄黃或菖蒲末或蒴藿末或揀花末或蓼末或燒木瓜烟黃蘗烟牛角烟馬蹄烟以辟之也

牛蝨

綱目

釋名牛蠅

音卑時珍曰蠅亦作蜚按呂忱字林云蠅齧牛蝨也

集解

時珍曰牛蝨生牛身上狀如蜚麻子有黑白二色齧血滿腹時自墜落也入藥用白色者

氣味微毒

主治預解小兒痘疹毒焙研服之

時珍

發明時珍曰牛蟲古方未見用者近世預解痘毒方

治痘攷之本草不載竊恐牛蟲啖血例此

蚤虫終非痘家所宜而毒亦未必能解也

附方新預解痘毒譚野翁方用白水牛蟲一歲一枚

惡糞終身可免痘瘡之患一方用白牛蟲四十九枚焙綠豆四十九粒硃砂四分九釐研末蜜丸小豆

大以綠豆湯下

人蟲拾遺

釋名虱

時珍曰蟲從虱從蟲凡音迅蟲音昆蟲行迅疾而昆繁故也俗作虱

集解

慎微曰按酉陽雜俎云人將死蟲離身或云取病人蟲於床前可卜病如蟲行向病者必死也



荊州張典兵曾捫得兩頭蟲也時珍曰人物皆有蟲但形各不同始由氣化而後乃遺卵出蟣也草木子言其六足行必向北抱朴子云頭蟲黑著身而白身蟲白著頭變黑所漸然也又有蟲癥蟲瘤諸方法可見蟲之為害非小也千金方云有人嚙蟲在腹中生長為癥能斃人用敗篋敗梳各以一半燒末一半煮湯調服即從下部出也徐炫稽神錄云浮梁李生背起如孟惟痺不可忍人皆不識醫士秦德立云此蟲瘤也以藥傳之一夕瘤破出蟲斗餘即日體輕但小竅不合時時蟲出無數竟死予記唐小說載滑臺一人病此賈魏公言惟千年木梳燒灰及黃龍浴水乃能治之也洪邁夷堅志云臨川有人頰生瘤痺不可忍惟以火炙一醫剖之出蟲無數最後出二大蟲一黑一白頰愈亦無癥痕此蟲瘤也又今人陰毛中多生陰蟲痺不可當肉中挑出皆八足而扁或白或紅古方不載醫以銀杏擦之或銀硃熏之皆愈也

氣味鹽平微毒

畏水銀銀硃百部菖蒲蟲  
建草木中竹葉赤龍尖空

主治人大發頭熱者令腦縫裂開取黑蟲三五百搗  
傳之又治疔腫以十枚置瘡上用荻箔繩作炷炙蟲

上即根出也又治腳指間肉刺瘡以黑蟲傳之根亦

出也

藏器

眼毛倒睫者

拔去毛以蟲血點上  
數次即愈

時珍

附方


新

腳指雞眼

先挑破取黑白蟲各一枚置於上

縛之數用自愈也

便民圖纂



本草綱目卷四十